

儀
禮
節
解

儀禮節解卷十五

郝敬習

特牲饋食禮第十五

特牲饋食禮。士祭祖禰也。特牲一牲。卑者先飯曰饋。食尊者先灌曰祭祀。曲禮曰。大夫以索牛。士以羊豕。雜記云。上大夫卒哭成祔。皆大牢。然則大夫亦時用大牢。士亦時用少牢也。士喪禮。少牢遣奠。則大夫豈無用特牲時邪。鄭謂曲禮所言。天子之士是書爲諸侯之大夫。士何据而別。夫禮有隆殺。牲有大小。通上下貴賤用之。天子郊天亦特牲也。謂大夫之祭。隆于

士則可謂大夫專用少牢士專用特牲不盡然蓋士
虞後繼以特牲者自凶趨吉也特牲後繼以少牢者
自殺趨隆也皆記禮之序故是篇首云冠端玄與兄
弟之服辭曰諏事適皇祖不言配皆繼前篇虞後祥
禋等言祭言否則何爲反以士先大夫邪

特牲饋食之禮不諏日及筮日主人冠端玄卽位于門
外西面子姓兄弟如主人之服立于主人之南西面北
上有司羣執事如兄弟服東面北上席于門中闌西闕
外筮人取筮于西塾執之東面受命于主人宰自主人
之左贊命命曰孝孫某筮來日某諏此某事適其皇祖

某子尚饗。筮者許諾。還卽席。西面坐。卦者在左。卒筮寫卦。筮者執以示主人。主人受視。反之。筮者還東面。長占。卒。告于主人。占曰吉。若不吉。則筮遠日。如初儀。宗人告事畢。前期三日之朝。筮尸。如求日之儀。命筮曰。孝孫某。諏此某事。適其皇祖某子。筮某之某爲尸。尚饗。

此筮曰筮尸。不諏日。不如大夫少牢。與有司謀。丁巳等日。但隨所暇日。筮食禮畧也。冠端玄。謂冠與端色皆玄。用吉。變于前喪祭也。門外。廟門外。西面立。主位也。子姓。猶子孫。姓言生子所生也。皆在五服內者。如主人之服亦玄也。詳言服承前篇喪禫除服從吉也。

立于主人南西面與主人並立而不統于主人故北
上有司羣執事東面北上賓位也席筵席闌西卽門
中闕門限士冠禮云策與席具饌于西塾故筮人取
筮策于西塾執之執策也宰有司之長少儀云贊幣
自左詔辭自右喪禮命筮日皆自右此自左者筮事
祖考不敢以卑禮詔之也諏謀也某事承上篇爲祥
禱如謀此禱事之類適皇祖卽所耐之祖往祭于其
廟某子皇祖字尚饗疑辭言庶幾饗之還旋同筮人
東面受命畢旋就門中席西面坐卦者寫卦者在左
在筮人之南長占占卦先長以次及衆占曰吉告主

人之辭曲禮云吉事先近日喪事先遠日此吉祭筮近日若不吉則改筮遠日也宗人公有司掌禮者事畢筮畢祭日既定于祭前三日筮尸某之某指尸父及子名曲禮曰爲人子祭祀不爲尸然則尸之父死者也

按鄭註冠端下言玄者玄冠有不玄端者則朝服也鄭以玄端與朝服異而朝服之緇衣卽玄端古者禮服皆稱朝服玄端卽禮服又謂有司羣吏爲士屬吏然士何必盡有官職者禮不下庶人庶人奠于寢士無田不祭而奠亦有禮皆可質義而行故士禮變通

于上下貴賤之間有司羣吏惟大夫能備何但初命之士耳

乃宿尸主人立于尸外門外句子姓兄弟立于主人之後北面東上尸如主人服出門左西面主人辟韎皆東面北上主人再拜尸答拜宗人擯辭如初卒曰筮子爲某尸占曰吉敢宿祝許諾致命尸許諾主人再拜稽首尸入主人退宿賓賓如主人服出門左西面再拜主人東面答再拜宗人擯曰某薦歲事吾子將泣之敢宿賓曰某敢不敬從主人再拜賓答拜主人退賓拜送此宿尸與賓越宿預戒曰宿祭前二日也北面事神

之禮出門左迎賓之禮辟卻避致敬也東面朝戶也
主人先拜尊戶也宗人祝皆主人之黨宗爲損相禮
致辭于祝如筮戶宰贊主人命筮之辭卒語末以筮
子至敢宿易前尚饗語祝受宗人辭許諾遂致主人
命于尸賓僚友也宿一人爲從獻之賓歲事每歲時
祭之事前言諏某事此言歲事義互備也泣臨也

厥明夕陳鼎于門外北面北上有俎枌在其南南順實
獸于其上東首牲在其西北首東足設洗于阼階東南
句壺禁在東序豆籩鉶在東房南上几席兩敦在西堂
主人及子姓兄弟卽位于門東如初賓及衆賓卽位于

門西東面北上宗入祝立于賓西北東面南上主人再拜賓答再拜三拜衆賓衆賓答再拜主人揖入兄弟從賓及衆賓從卽位于堂下如外位宗人升自西階視壺濯及豆籩反降東北面告濯具賓出主人出皆復外位宗人視牲告充雍正作豕宗人舉獸尾告備舉鼎烹告絜請期曰羹飪告事畢賓出主人拜送

此省視牲器厥明夕謂宿尸賓次日之夕卽祭之先夕門外北面當門也北上三鼎自北陳而南枵舉通形如箱以載獸在鼎南向南直陳獸腊也野禽已殺者兔屬牲豕牲不在枵以其生也西枵西北首東足

未殺束縛之也。洗設于阼階東南堂下也。壺有禁在堂上東牆下。豆籩鉶在東房。虛器未實皆自南陳而北。几席神座與兩敦饋神之器皆在堂上西。主人以下卽位于門東如筮位。賓及衆賓皆主人所宿以助祭者。宗人掌禮祝祝神。皆公有司。位退于賓而近于廟。主人拜賓。廟門外賓尊者一人再拜。衆賓輩共三拜。衆賓答一拜。答者衆也。主人旣拜賓。導衆入卽位堂下。如門外之位。主東賓西。宗人省視壺洗濯及豆籩不言鉶敦可知。壺在東序。豆籩在東房。宗人自西階升。一一往視。及降。告濯告旣洗也。告具告旣備也。

皆告于主人賓主皆出門外省牲與鼎告充告肥也
雍正饗人之長主烹飪者作豕作之使動驗其生也
舉獸尾視腊全也啓鼎蓋視其潔也請期請明日祭
之早晏羹飪以煮肉熟爲節

夙興主人服如初立于門外東方南面視側殺主婦視
饔饔于西堂下亨于門外東方西面北上羹飪寶鼎陳
于門外如初尊于戶東玄酒在西寶豆籩鉶陳于房中
如初執事之俎陳于階間二列北上盛兩敦陳于西堂
藉用萑九几席陳于西堂如初戶盥匱水寶于槃中簞
巾句在門內之右祝筵几于室中東面主婦纓笄宵衣

立于房中南面。主人及賓兄弟羣執事。卽位于門外。如初。宗人告有司具。主人拜賓如初。揖入。卽位如初。佐食北面。立于中庭。

此饌具。設神席。衆卽位也。夙興。卽祭日早起。主人服如初。冠端玄。如筮服。側殺特殺一牲也。炊飯曰饊。羹竈也。視于西堂下。饊羹在西壁也。亨。鑊煮肉也。豕魚腊各一爨。以北爲上。羹飪肉熟也。實鼎。各自鑊升于其鼎。陳如初。如初。陳北面上也。尊設于室戶外東房戶之西。堂北稍東也。設玄酒尊。在酒尊之西。實豆。邊釶以脯醢和羹之類。房中。東房內。如初。設南上也。

執事助祭者皆有俎陳于兩階間分爲二列自北陳而南先獻者居北也盛兩敦盛黍稷之饎也萑細葦席几席兩敦視濯時在西堂今如初簞竹器以盛巾在廟門內右內以西爲右尸入于此盥手祝筵几設神几席也室在堂後東面卽西南隅奧也纒以韜髮笄簪也宵衣黑色衣詳見士昏禮主人玄端主婦衣色同變于喪也房中婦人所有事南面向堂也佐食佐尸食者以衆兄弟爲之立于中庭俟事也尸將升堂則佐食中庭北面室中當事則戶外負依南面不與衆有司混處發神事也

右及執事舉魚腊鼎除俎。宗人執畢先入當阼階南面。鼎西面錯。右人抽肩委于鼎北。贊者錯俎加匕。乃牝佐食升肝俎。俎之設于阼階西。卒載加匕于鼎。主人升入復位。俎入設于豆東。魚次。句腊特于俎北。主婦設兩敦黍稷于俎南。西上及兩鉶。莖設于豆南。南陳祝洗酌奠奠于鉶南。遂命佐食啓會。佐食啓會卻于敦南。出立于戶西。南面。主人再拜稽首。祝在左。卒祝。主人再拜稽首。此設饌祝神所謂陰厭也。主人及祝自門外入升堂。祝先入室。主人從入。西面向神席立。室戶內也。房中東房中薦兩豆。一菹一醢。取自東房入薦于室。醢設

席北。菹在南。南爲上。與虞祭同。宗人主詔禮事。遣佐食與執事者盥手。出門外。舉鼎。宗人亦出。主人降。與賓皆盥手。出舉鼎。自外入。東爲右。神事尚右也。每鼎二人舉。尊者在右。主人賓長皆右。宗人執畢。畢笏類執。以指宗人先入。立阼階下。南向。指錯鼎者。當東階西。直陳而南。右人在東。錯俎于鼎西。加匕俎上。左人牝肉。右人西載之。肝俎載心舌。郊特牲云。肝之爲言敬也。主人敬尸之俎。心舌亦飪之鼎內。佐食載于肝俎。主人升堂入室。復戶內。西面之位。豕俎入先設。並葵菹東。魚俎次豕東。腊俎獨在魚北。無並。曰特。主婦

設兩敦黍在豕南。稷在黍東。魚南。黍在西爲上。兩鉶
莧接葵菹而南。祝下堂洗爵升堂酌酒于戶東入室
奠于兩鉶南。佐食啓黍稷敦蓋出室立于室戶西牖
下南面。士虞記所謂負依也。主人再拜稽首。尸未入
拜神也。祝在左致辭達主人之誠。卒祝祝畢。主人又
再拜稽首敬之至。所謂陰厭也。

祝迎尸于門外。主人降立于阼階東。尸入門左北面盥
宗人授巾。尸至于階。祝延尸。尸升入祝先。主人從尸卽
席坐。主人拜受尸。尸答拜。執奠祝饗。主人拜如初。祝命
授隆祭尸左執觶。右取菹輒平捋輒平于醢。祭于豆間。佐食

取黍稷肺祭授尸尸祭之祭酒啐酒告旨主人拜尸奠
解答拜祭釂嘗之告旨主人拜尸答拜祝命爾敦佐食
爾黍稷于席上設大羹湑于醢北舉肺脊以授尸尸受
振祭齊之左執之乃食食舉主人羞所俎于腊北尸三
飯告飽祝侑主人拜佐食舉幹尸受振祭齊之佐食受
加于所俎舉獸幹魚一亦如之尸實舉于菹豆佐食羞
庶羞四豆設于左句南上句有醢句尸又三飯告飽祝
侑之如初舉骼格及獸魚如初尸又三飯告飽祝侑之
如初舉肩及獸魚如初佐食盛所俎俎釋三个舉肺脊
加于所俎反黍稷于其所

此迎尸入而九飯尸入廟門自外入西爲左匱水在門內西尸入北面盥進至西階祝延尸升堂入室尸取祝所奠鉶南解執之祝勸饗前篇記云孝孫某圭爲而哀薦之卽此也主人拜祈饗也祝命授祭命佐食也授墮通詳見前篇揄擗通揉也肺祭肺刲切以祭者與舉肺異告旨稱美也主人拜拜尸饗也爾邇同移近也佐食設大羹湑于蜎醢北舉肺脊授尸肺離不絕連脊骨手執曰舉周人祭肺肺爲氣主脊爲正體食所重故尸左手執肺脊右手食黍兼食肺脊曰食舉也所俎在阼階西羞進也主人親取進設于

腊俎北不假人所以爲敬也尸每三飯一告飽祝侑尸主人拜拜侑也胾骨曰幹獸腊亦舉幹魚全取一皆佐食授尸尸祭臠皆授佐食佐食受皆加于所俎猶虞祭皆實于筐也尸乃以左手所執肺脊實于菹豆不實于所俎者所俎在腊北遠也庶羞以豕肉和爲異味凡四豆設于大羹北尸在西以北爲左南上上大羹自南陳而北也有醢二醢二羞也少牢兩載兩醢此宜同醢在載南四豆直陳不繡故曰南上三飯舉骼豕後足骨曰骼獸亦舉骼魚亦舉一祭臠加于所俎如初又三飯舉豕肩九飯畢佐食取衆俎之

賓盛于肝俎每俎但番三個以待改設陽厭其餘盡入肝俎以歸尸肺脊在菹豆亦取加于肝俎反黍稷于其所先爾于席上今復置鉶東也

主人洗角升酌醕尸尸拜受主人拜送尸祭酒啐酒賓長以肝從尸左執角右取肝換于鹽振祭齊之加于菹豆卒角祝受尸角曰送爵句皇尸卒爵主人拜尸答拜祝酌授尸尸以醋酢主人主人拜受角尸拜送主人退佐食授授祭主人坐左執角受祭祭之祭酒啐酒進聽假佐食搏黍授祝祝授尸尸受以菹豆執以親嘏主人主人左執角再拜稽首受復位詩懷之賓于左袂挂

于季指卒角拜尸答拜主人出寫醬于房祝以遵受
此主人獻尸尸酢主人角觶屬尸既卒角祝受虛角
曰送爵皇尸卒爵命主人拜之辭祝酌授尸尸不親
酌祝不洗角醋酢同主人受尸角退復位佐食授主
人黍稷肺授祭嘏假通尸傳神意以福假主人主人
進尸前聽神嘏搏黍俎黍飯成團象福祿獨搏黍黍
貴于稷尸食惟黍詩言志也詩序云詩者志之所之
內則云詩負之言專志也懷藏也袂袖也季指小指
左手執角以小指挂左袖口恐拜而遺黍出入室寫
傾也醬醢通卽黍房東房以遵受所寫黍重神貺也

筵祝南面主人酌獻祝祝拜受角主人拜送設道醴俎
祝左執角祭豆興取肺坐祭齊之興加于俎坐祭酒啐
酒以肝從祝左執角右取肝捩于鹽振祭齊之加于俎
卒角拜主人答拜受角酌獻佐食佐食北面拜受角主
人拜送佐食坐祭卒角拜主人答拜受角降反于簠升
入復位

此主人獻祝與佐食筵祝設祝席南面室內當戶獻
祝與佐食皆因獻尸及之角卽獻尸之角獻祝之禮
殺于尸獻佐食殺于祝角實于簠在堂下旣獻反之
升入升堂入室復戶內西向之位佐食獨不設俎者

以兄弟爲之其薦俎齒于兄弟中于後獻衆兄弟時并設也

主婦洗爵于房酌亞獻尸尸拜受主婦北面拜送宗婦執兩蓬戶外坐主婦受設于敦南祝贊蓬祭尸受祭之祭酒啐酒兄弟長以燔從尸受振祭齊之反之羞燔者受加于所出尸卒爵祝受爵命送如初酢如主人儀主婦適房南面佐食授祭主婦左執爵右撫祭祭酒啐酒入卒爵如主人儀

此主婦亞獻尸尸酢主婦變角稱爵更器也北面拜送室內北面變于主人之西面也宗婦族人婦執兩

邊跪于室戶外主婦受之入設于黍稷南祝贊尸以
邊棗栗祭于豆間兄弟之長者以燔肉實羞俎從主
婦薦尸尸受燔祭之齊之反于羞俎兄弟長以所反
燔加所俎上執虛俎出反門外西塾不備言與前虞
禮互見也祝命送命主婦拜也卽前云送爵皇尸宰
爵命主婦拜如主人也酢尸酢主婦亦祝酌授尸尸
授主婦拜受尸拜送與酢主人儀同主婦不祭于室
以爵適東房南面佐食代授祭置黍稷肺于席主婦
手撫之遂祭酒啐之反入室北面卒飲如主人儀拜
尸答拜也

獻祝。邊燔從如初儀。及佐食如初。卒以爵入于房。

此主婦獻祝與佐食以燔從者。兄弟之衆也。皆如主人獻祝之儀。主人豆而主婦邊。主人肝而主婦燔。其祭一也。獻畢以爵入于房。婦爵自房出也。

按主婦受尸酢卒爵。獻祝當更洗于房而后酌。男子不承婦人之爵。

賓三獻如初。燔從如初。爵止。

此賓三獻尸。尸奠爵如初。如主人獻之儀。執事者以燔從賓獻尸。受爵不飲。蓋尸既受三獻。祝與佐食亦受三獻。主人主婦僅受一酢。故尸止不飲。待主人主

婦交致爵而后神惠均也

席于戶內主婦洗爵酌致爵于主人主人拜受爵主婦
拜送爵宗婦贊豆如初主婦受設兩豆兩邊俎入設主
人左執爵祭薦宗人贊祭奠爵興取肺坐絕祭齊之興
加于俎坐撓悅手祭酒啐酒肝從左執爵取肝換于鹽
坐振祭齊之宗人受加于俎燔亦如之興席末坐卒爵
拜主婦答拜受爵酌醋句左執爵拜主人答拜坐祭立
飲卒爵拜主人答拜主婦出反于房主人降洗酌致爵
于主婦席于房中南面主婦拜受爵主人西面答拜宗
婦薦豆俎從獻皆如主人主人更爵酌醋卒爵降實爵

于篚入復位

此主人主婦交相獻各自酢也。獻酒云致爵者。酒本主人物。致爵體神意也。席于戶內。設席于主人所立之位。宗婦贊豆。亦于戶外坐。豆籩皆宗婦贊。主婦受以設設俎。則宗人也。肺離未絕。祭則絕之。主人主婦一爵。肝膾兩從。與尸祝同者。體神意。重祭主也。席末坐。避尊也。主婦受爵。受主人虛爵。酌醋承主人爵。自酌。主人避尸。不敢酢主婦。而主婦達其意也。主人自酢。倣此。主婦左執爵拜。不奠爵。婦人立拜也。主婦以爵反歸東房。主人降。更洗堂下之爵。升酌致主婦也。

席于房中。獻主婦不于室也。南面向堂也。房在堂北西面。主人之正位。從獻亦肝與燔也。主人自酢必更爵。男女不襲器也。酌酢主人酌自酢。卒爵不坐。夫飲婦爵。禮畧也。

三獻作止爵。尸卒爵。酢。句酌獻祝。及佐食洗爵酌。致于主人。主婦燔從皆如初。更爵。酢于主人。卒復位。

此賓獻祝與佐食。及主人主婦遂自酢也。三獻指其人。卽賓也。初賓三獻尸。爵止。及主人主婦致爵畢。賓乃作所止之爵。請尸飲。作起也。尸卒飲。賓受爵。遂自酢。乃酌獻祝。獻佐食。又洗酌致主人主婦。皆如前儀。

徧終三獻之事也。燔從無肝也。皆如初。一一如前禮。佐食無從同也。更爵不承主婦爵也。酢于主人賓自酢也。復位復堂下東面之位。

主人降阼階西面拜賓如初。洗賓辭洗。卒洗揖讓升酌。西階上獻賓。賓北面拜受爵。主人在右答拜。薦脯醢設。折俎賓左執爵。祭豆奠爵興取肺。坐絕祭。齊之興加于俎。坐挽手祭酒。卒爵拜。主人答拜受爵酌酢。奠爵拜。賓答拜。主人坐祭。卒爵拜。賓答拜揖。執祭以降。西面奠于其位。位如初。句薦俎從設。句衆賓升拜受爵。坐祭立飲。薦俎設于其位。辯主人備答拜焉。降實爵于篚。

此主人獻賓及衆賓也。拜賓爲將獻也。如初如視壺
濯。主人再拜。賓答再拜。三拜衆賓。賓答再拜也。洗洗
爵。西階上獻賓。主人就賓也。禮主祭則賓不專階。主
賓皆北面。以東爲右。主人在東也。折俎。分折牲體實
俎。主人酌自酢。賓不敢敵主人。而主人達其意也。酢
畢。賓揖。主人自執所祭肺。下堂西面奠于其位。仍東
面立如初。其西階上所薦豆俎皆從設于位。此獻賓
長之禮。其餘衆賓升西階受爵。坐祭立飲。禮殺也。豆
俎卽堂下本位設之。辯徧通衆賓。拜受爵。主人皆答
拜。獻畢。主人下堂實爵于篚。

尊兩壺于阼階東。加勺南枋。西方亦如之。主人洗解酌于西方之尊。西階前北面酬賓。賓在左。主人奠解拜。賓答拜。主人坐祭卒解拜。賓答拜。主人洗解。賓辭。主人對。卒洗酌。西面賓北面拜。主人奠解于薦北。賓坐取解。還東面拜。主人答拜。賓奠解于薦南。揖復位。

此旅酬設尊。主人酬賓。承上主人降。遂設兩尊于阼階下。加勺尊上。柄向南。便執也。西方西階之下。將行旅酬。不敢用堂上戶東神尊。而別尊于堂下也。兩壺皆酒人衆也。先酌西尊。尊賓也。酬導飲也。酌自飲而后酌飲賓。西階前階下也。賓位西階下東面。主人酬

之同北面而賓在西主人酌西面向賓也奠觶亦西
面奠于席前也主人將酌賓北面拜以臣禮答主人
主人奠觶薦北以客禮尊賓賓不敢當坐取觶示親
受轉向東拜主人答拜亦西向也奠觶于薦南者東
面南爲右示將舉也鄉飲記云將舉者於右揖揖主
人復位復東向之初位

主人洗爵獻長兄弟于阼階上如賓儀洗獻衆兄弟如
衆賓儀洗獻內兄弟于房中如獻衆兄弟之儀主人西
面答拜更爵酢卒爵降實爵于篚人復位

此主人獻內外兄弟期功以下男女兄弟也長兄弟

兄弟之長者。酬賓而后獻兄弟。獻禮成于酬。成賓禮而后及其私也。獻于阼階上者。酌堂上之尊。獻禮重于酬也。如賓儀。兄弟亦執祭以降。奠于其位。薦俎從設。同也。衆兄弟分卑。如衆賓儀。拜受坐祭立飲。薦俎設于其位。徧同也。佐食在衆兄弟中。薦俎亦設于此。時內兄弟。謂女賓及宗婦。獻于房中。亦如衆兄弟。拜受坐祭立飲。設薦俎同也。內兄弟房中東面拜受爵。主人西面答拜。更爵自酢。皆謂獻內兄弟也。入復位。入室戶內西向。主人之位。

長兄弟洗觚爲加爵。如初儀。不及佐食。句洗致。句如初。

句無從句衆賓長爲加爵如初爵止

此長兄弟及衆賓長加爵于尸也。三獻既備而禮多爲貴。故于正獻外有加爵洗觚更器也。儀如正獻尸拜受。主賓拜送。自酢同也。不及佐食及祝也。佐食本兄弟輩。尚未及獻尸。故爵不及。洗致洗爵致。主人主婦如賓。初致爵之儀。但無肝燔從異也。衆賓之中長者一人舉爵如賓三獻之儀。尸受衆賓長爵奠而不飲。蓋三獻外又受加爵。賓及兄弟僅得一獻。故尸止爵俟旅酬行。神惠均于在庭而后舉耳。

嗣舉奠句盥入北面再拜稽首尸執奠句進受句復位

祭酒啐酒尸舉肝。句舉奠左執觶。句再拜稽首進受肝。
復位坐食肝。卒解拜。句尸備答拜焉。舉奠洗酌入尸拜。
受舉奠答拜。尸祭酒啐酒奠之。舉奠出復位。

此嗣子舉奠于尸。主人適嗣也。舉奠酬尸也。奠卽初
陰厭祝酌奠于鉶南之觶。自尸入祭啐酒奠而未舉。
至是嗣子入舉以酬尸。曰舉奠。盥入以下。舉奠之儀。
嗣子盥手入室戶內北面尸執奠觶授嗣子。嗣子進
受觶。復北面之位。祭飲尸舉肝亦以授嗣子。舉奠卽
嗣子。尸備答拜者。重繼體每拜皆答也。嗣子卒飲洗
觶更酌酒入室尸拜受嗣子拜送尸祭啐之奠之嗣。

子出復位與子姓共立于堂下東主人之後也

按嗣子舉奠先自飲酌尸尸啐而奠之此旅酬之始故下文兄弟卽繼之嗣子酬尸而言舉奠弟子酬長而言舉觶皆尊敬之辭以別于酬衆也

兄弟弟子洗酌于東方之尊阼階前北面舉觶于長兄弟如主人酬賓儀宗人告祭齊齊乃羞

此弟子舉觶于長兄弟也兄弟弟子謂衆子姓各酬其父兄酌東方尊如主人酬賓儀洗酌拜坐祭卒觶更洗酌奠觶長兄弟取觶奠于薦右同也齊齊乃羞同肉在俎曰齊始獻衆賓及兄弟內兄弟薦俎各于其位

而未及祭。至是宗人告使皆祭也。乃羞進。庶羞卽豕肉爲之。王制云。庶羞不踰牲。自尸以下至內賓羞皆及。

賓坐取解。阼階前北面。酬長兄弟。長兄弟在右。賓奠解拜。長兄弟答拜。賓立。卒解酌于其尊。東面立。長兄弟拜受解。賓北面答拜。揖復位。長兄弟西階前北面。衆賓長自左受旅。如初。長兄弟卒解酌于其尊。西面立。受旅者拜受。長兄弟北面答拜。揖復位。衆賓及衆兄弟交錯以辯。皆如初儀。

此賓與長兄弟衆賓衆兄弟交相酬也。賓坐取解卽

前受主人酬解奠于薦南者。至是舉以酬長兄弟。賓酬兄弟就東階下北面。兄弟在右。以兄弟亦有主人之誼。賓常居西也。酌于其尊于東尊也。堂下東尊本爲兄弟設。西尊爲賓設。賓東面向長兄弟也。揖復位。賓酬畢復東向之位。長兄弟復就西階下。酬衆賓之長。其儀同衆賓。又酬衆兄弟。衆兄弟又酬衆賓。交錯以徧。其儀皆同。

爲加爵者。作止爵。如長兄弟之儀。

此尸飲衆賓長之加爵也。初衆賓長繼長兄弟加爵。尸飲長兄弟爵。不飲衆賓長爵。以已受加爵而衆賓

與兄弟酬未及。今既旅及衆賓與兄弟。尸可飲矣。故加爵之賓長。作起其初止之爵。請尸飲。如長兄弟加爵之儀。尸卒爵拜。答拜。自酢復位。同也。

長兄弟酬賓。如賓酬兄弟之儀。以辯。卒受者實觶于篚。此賓與兄弟旅酬正爵徧而奠觶也。如賓酬兄弟之儀。如坐取觶。阼階前北面等儀。前賓酬長兄弟之觶。是受主人之酬。奠于薦南者。此長兄弟酬賓之觶。是弟子舉于其長者也。前賓酬長兄弟于阼階前。今長兄弟亦酬賓于西階前。奠觶受觶拜。答拜復位。等儀同也。辯徧也。謂賓亦東階前酬衆兄弟。復位衆兄弟。

及衆賓亦交錯以徧也。卒受者謂賓衆賓與兄弟之衆酬終。各有卒解者。各以所卒二解實于堂下之筐也。此交錯一終。旅酬之正數。以下則無算爵也。賓酬不言實解于筐。互見也。禮終于此。故言之。

賓弟子及兄弟弟子洗。各酌于其尊。中庭北面西上。舉解於其長。奠解拜。長皆答拜。舉解者祭。卒解拜。長皆答拜。舉解者洗。各酌于其尊。復初位。長皆拜。舉解者皆奠解于薦右。長皆執以興。舉解者皆復位答拜。長皆奠解于其所。皆揖其弟子。弟子皆復位。爵皆無算。

此無算爵也。前賓與兄弟之衆。次第旅酬徧而神人

之懽猶謂未盡洽賓弟子與兄弟弟子各流爵再酬其長是爲無算爵之始各酌于其尊賓弟子酌西尊兄弟弟子酌東尊中庭北面者其長各在東西階前其弟子各向之也皆西上上賓也爵皆無算謂賓取觶酬兄弟之黨長兄弟取觶酬賓之黨唯其所賜交錯以辯無復多寡限量之數也

利洗散獻于尸句酌句及祝句如初儀降實散于篚主人出立于戶外西面祝東面告利成尸謏速祝前主人降

此佐食獻尸祝祭畢而尸出也利卽佐食利養也禮

將終告利成故利終獻以成禮也散爵屬變言散明更器也酢利自酢及祝獻祝耳不致爵主人主婦也如初儀如長兄弟衆賓長加爵之儀其拜受拜送自酢同也戶外室戶外告利成告孝子養禮終也主人降降堂下也

按佐食爲役室中有事不得與衆同加爵事畢乃獻尸亦加爵也正獻三主人主婦賓也加爵三長兄弟衆賓長佐食也獻爲正加爲從嗣子舉奠爲醑不在從獻之數主人立戶外西面坊本作西南誤

祝反及主人入復位命佐食徹尸俎俎出于廟門徹庶

羞設于西序下。句筵對席。佐食分簋鉶。宗人遣舉奠及
長兄弟盥。立于西階下。東面北上。祝命嘗食。饔餼者。句
舉奠許諾。升入東面。長兄弟對之皆坐。佐食授舉各一
膚。主人西面再拜。祝曰。饔有以也。兩饔奠舉于俎。許諾。
皆答拜。若是者三。皆取舉。句祭食。句祭舉。乃食。句祭鉶。
食舉。句卒食。主人降洗爵。宰贊一爵。主人升酌醕。上饔。
上饔拜受爵。主人答拜。醕下饔。亦如之。主人拜。祝曰。醕
有與也。如初儀。兩饔執爵拜。祭酒。卒爵拜。主人答拜。兩
饔皆降。實爵于篚。上饔洗爵升酌醑。主人拜受爵。上饔
卽位坐答拜。主人坐祭。卒爵拜。上饔答拜受爵。降實于

籩主人出立于戶外西面

此祭畢而養也。養餼同食。餘曰餼。既祭尸食之餘。使子弟餼示先澤。廣神惠也。祝反送尸反徹尸俎出廟門以歸尸。徹庶羞設于室中西序。使嗣子與長兄弟餼筵對席。設東西席。二養相對。盥敦也。分敦中黍稷與銅中和羹。二養各一舉。奠卽嗣子宗人遣嗣子與長兄弟盥手立西階下。俟祝命嘗食。養者猶言命餼者嘗食。升入升堂入室。嗣子東面。尊總體也。授舉授俎肉。手執曰舉尸俎有三膚。二養各一。養有以以先澤享此教。嗣子兄弟思先也。養者置所舉膚于俎。應

且拜許諾應聲主人三祝二養三諾三答拜乃取舉以祭祭食祭飯也夫祭舉祭肉也乃食食飯也後祭鉶羹乃食舉祭皆畢而後食肉也食畢主人降洗爵宰以一爵助醕二養用二爵也上養卽嗣子下養卽長兄弟醕有與與兄弟共飲親親之意也亦如初亦三祝也二養卒爵並降獨上養升酢主人重嗣子也嗣子旣授爵于主人復戶內北面之位跪而答拜答主人拜受虛爵也主人出戶外西面俟徹俎陽厭也○按敦刻爲鬼形遂名簋與筥通器圓曰筥鄭謂敦有虞氏之簋周曰簋同姓之士得用之異姓用虞敦

緣于特牲少牢皆言數此兼言簋以爲同姓異姓之
別鑒說也兩簋執爵拜當作奠爵男子拜無執爵

祝命徹俎豆遷設于東序下祝執其俎以出東面于
戶西宗婦徹祝豆遷入于房徹主婦薦俎佐食徹戶薦
俎敦設于西北隅凡在南用筵納一尊佐食闔牖戶
降祝告利成降出主人降卽位宗人告事畢賓出主人
送于門外再拜佐食徹俎俎句堂下俎畢出

此徹俎改設陽厭也祝命命佐食作俎主人室中俎
改設于室東牆下不卽出者尸俎方厭待也祝自徹
其俎出重神惠也立室戶外西待告利成也徹祝豆

遽入于房。初自東房出也。獨徹祝者。主人豆遽留東序。尸豆遽留厭。主婦豆遽在房也。徹主婦薦俎。宗婦卽房內徹也。佐食徹尸薦俎與敦。移設西北隅。未知神之所在。庶其享之。所以爲厭室西北隅。通明曰屋漏。位乾方。故爲陽。几在南。席向東。几居右也。匪。隱蔽也。筵亦席也。饌曰筵。坐曰席。以筵席蔽南牖。神尚幽也。戶東兩尊。一酒一玄酒。納酒尊于室內。闔牖戶。使神厭也。時主人立室戶外西面。祝立戶外東面。祝向主人告利成。遂降出。主人亦降。卽位堂下東賓出拜。送佐食乃升入室徹俎。俎在室東序。佐食改設。

既陽厭遂徹之堂下俎賓及兄弟以下之衆俎畢出各以歸也不言尸俎厭畢歸主神棲于室不遂徹少牢送賓出婦人乃徹室中之饌也

記○特牲饋食其服皆朝服玄冠緇帶緇鞶唯尸祝佐食玄端玄裳黃裳雜裳可也皆爵韠○設洗南北以堂深東西當東榮水在洗東篚在洗西句南順實二爵二觚四解一角一散壺枌禁饌于東序南順覆兩壺焉蓋在南明日卒奠罷用綌卽位而徹之加勺句邊巾以綌也繡褱蚤承栗擇銅毛用苦若薇皆有滑夏葵冬苣板○棘心匕刻○牲爨在廟門外東句南魚句腊爨在其

南皆西面。饔飧在西壁。○所俎心舌皆去本末。午割之。
實于牲鼎。句載句心立句舌縮俎

此以下至終篇皆記前言所未備。朝服玄冠玄端玄
裳緇帶緇鞶。卽篇首主人冠端玄自主人以下同也。
尸祝佐食亦朝服玄端玄裳。但尸服宜少異。祝與佐
食近尸與尸同。或用黃雜裳可也。鞶皆爵色黑而微
赤。卽玄也。南北以堂深言洗在堂下。自堂下至洗如
堂北至堂下之遠。東西當東榮。謂洗在堂下東與東
檐相對。篚盛爵觚觶角散皆酒器。禁承酒尊。枅禁禁
似箱。枅與通車箱也。兩壺一盛酒一盛玄酒皆虛壺。

倒置於上曰覆以漚餘水未奠也蓋壺蓋明日卽祭
日乃實酒水著禁奠畢加巾冪俟主賓以下卽位乃
撤巾加勺覆邊巾用粗布赤裏玄表可知棗用烝栗
用擇以實籩鉶鉶羹苕羹菜苦薇二菜滑和以粉使
滑利也葵菜夏可食苳芋屬冬可食皆苕也棘心棘
木心赤匕匙也以取肉于鼎刻刻文喪匕用桑吉匕
用棘從音類也爨竈也簠爨以炊黍稷西壁堂西偏
室所俎尸食俎實以牲心舌貴之也午割縱橫割不
斷也實于牲鼎從其類熟之載于所俎心立舌直縮
直也順俎爲直

接衣冠尚玄緇古今同也。純黑曰緇。玄卽緇微赤者。猶今阜色亦緇也。黑爲北方正色。故士大夫以上朝服用緇衣。玄閒赤。故士庶人以上禮衣通用曰玄端。要之衣皆端。端卽衣。通謂朝服。鄭說紛然。

賓與長兄弟之薦自東房其餘在東堂。○沃尸盥者一人。句奉槃者東面。句執匱者西面。淳沃。句執巾者在匱北。宗人東面取巾振之三。句南面授尸。句卒。句執巾者受。○尸入主人及賓皆辟位出亦如之。嗣舉奠佐食設豆鹽。○佐食當事則戶外南面無事則中庭北面。凡祝呼佐食許諾。○宗人獻與旅齒於衆賓佐食於旅齒於

兄弟○尊兩壺於房中西墉下南上內賓立于其北東
面南上宗婦止堂東面北上主婦及內賓宗婦亦旅西
面○宗婦贊薦者執以坐于戶外授主婦○尸卒食句
而祭饔饔雍饔○賓從尸俎出廟門乃反位

賓與長兄弟分尊故其籩豆與室中之薦同陳于東
房內其餘衆賓兄弟以下之薦席堂下者皆設于堂
上東以待也沃尸盥酌水與尸盥手槃盛水匱沃水
澆灌曰沃細瀉曰淳振謂揮振之以致潔也三三振
南面授尸尸入北面盥卒盥畢執巾者受巾實于篚
也嗣子舉奠于尸尸授以肝肝宜鹽佐食以豆盛鹽

併授之宗人獻謂主人獻宗人旅旅酬宗人獻旅皆
在衆賓之列佐食以兄弟輩爲之旅酬在衆兄弟列
尊兩壺于東房內西牆待主婦與內賓旅也南上統
于堂也內賓女賓外戚婦及主人姑姊妹之屬立于
其北房內北也東向自南並立而北也宗婦同姓婦
北堂房戶外卽堂北也亦東向自北並立而南也房
在堂東北內賓多而房淺宗婦分卑故接戶外立于
北堂亦猶衆賓立于堂下也男子旅于堂下婦入旅
于堂北與房內主婦與內賓宗婦相旅交錯以徧也
西面謂主婦旅內賓于房旅宗婦于北堂皆西面也

宗婦贊薦助主婦薦豆籩也尸卒食則饗事畢執饗者祭饗以報也饗饗以炊黍稷雍饗以烹牲魚腊佐食徹尸俎送出廟門賓皆送終助祭之事也反位復入門內西向之位與主人爲禮而后去也

尸俎右肩臂

肱

肱

肱

肱

正脊二骨橫脊長脅二骨

短脅膚三離肺一肝肺三魚十有五腊如牲骨祝俎

髀臠脊二骨脅二骨膚一離肺一胾俎臂正脊二骨橫

脊長脅二骨短脅

句

膚一

離肺一

主婦俎

胾折

句

其餘

如胾俎佐食俎胾折句脊句膚一離肺一賓骼長兄

弟及宗人折句其餘如佐食俎衆賓及衆兄弟內賓宗

婦若有公有司私臣皆殺胙蒸膚一離肺一○公有司
門西句北面東上獻次衆賓句私臣門東北面西
上句獻次兄弟句升受降飲

俎實牲體以骨爲本因尊卑爲數多寡吉牲尚右故
尸俎用右肩肩下爲臂臂下爲臑肫作臂股骨也肫
骼同脚骨也正脊脊領也骨多併二爲一短脅近肩
骨短也肉無骨曰膚離肺肺割未絕者剝肺剝斷以
祭者此十一物皆豕俎也魚俎用魚十五尾腊野獸
殺者腊俎如牲骨無膚與肺也祝俎祝豕俎髀尾骨
脰脊卽正脊脰直也祝以下俎不言魚腊同也昨俎

主人豕俎，殽蹄尖脰，不足用，殽分拆也。其餘謂豕脊脅以下及膚肺與魚，給足者，主婦俎與阼俎同也。佐食豕俎，殽折共脊脅三骨，賓豕俎幣，卽脰，長兄弟及宗人皆脰分拆，其脊脅膚肺與佐食同也。衆賓衆兄弟以至私臣俎，豕體骨不足，雜餘體備數，不必右，曰殽脅，殽雜也，非正體。脅言蒸升也，其膚肺同，令皆可祭而食也。公有司，謂公家有司，門西北面東上，賓位也。獻次于衆賓，皆賓屬也。私臣私家辟用之，臣門東北面西上，臣位也。獻次于兄弟，皆主屬也。升堂受爵，下堂飲，通公有司以下皆然。

按牲體數大較然爾膠柱求合則拘矣古人借飲食
行禮不貴可食貴以明義禮器云羔豚而祭百官皆
足殺一牲而內外賓主隆殺貴賤多寡名數井然辨
于刀匕膚寸之微禮義云爾豈謂是足以充口腹乎
解者不講于禮義而較骨體貴賤以爲士與大夫牲
牢之等末矣凡是書所謂士非盡大夫以下初仕再
命之士也冠昏相見皆士兼大夫此禮未嘗名爲士
而公有司與私臣豈士家所能備故夫三鼎五鼎士
大夫定分其禮有小大天子時乎用少牢諸侯時乎
用特牲未仕之士饋食祖禰皆特牲非獨有位之士

然耳鄭氏拘牲體謂士俎尤體令用十一與少牢同不可解援禮器放而不致爲證亦窮于辭矣

儀禮節解卷十六

郝敬習

少牢饋食禮第十六

少牢饋食者。饋食禮之盛于特牲者也。鄭氏謂羊豕爲少牢。據篇中刲羊擊豕。則誠少牢矣。然牢本養牲之所。豕亦云牢。詩曰。執豕于牢。何獨牛羊稱牢乎。羊小子牛曰少。豕獨用曰特。少則稱牲。多則稱牢。所由名耳。鄭定以少牢爲大夫。謂大夫用羊豕。士用特牲。天子諸侯用大牢。此甚拘也。其實三牲通上下。隆殺非定局。曲禮云。大夫以索牛。是大夫亦大牢也。聘及

公食大夫禮皆大牢以待卿大夫而王制諸侯社稷皆少牢郊而特牲是天子亦有時乎用特牲作者但叙禮隆殺非定特牲爲士少牢爲大夫也賈氏謂饋尸爲下大夫天子大夫用大牢諸侯之大夫不得用尤杜撰大抵是書所載多大夫禮何嘗分天子諸侯周衰禮壞王祭不供典籍湮滅不可考而禮樂自大夫出故其所傳儀節止此然引伸觸類差等而上下之皆可知也

少牢饋食之禮日用丁巳註筮旬有一日筮於廟門之外主人朝服西面于門東史朝服左執筮右抽上韝兼

與筮執之東面受命于主人主人曰孝孫某來日丁亥
用薦歲事于皇祖伯某以某妃配句某氏尚饗史內
諸西面于門西抽下韝左執筮右兼執韝以擊筮遂述
命曰假爾大筮有常孝孫某來日丁亥用薦歲事于皇
祖伯某以某妃配某氏尚饗乃釋韝立筮卦者在左坐
卦以木卒筮乃書卦于木示主人乃退占吉則史韝筮
史兼執筮與卦以告于主人占曰從乃官戒句宗人命
滌宰命爲酒乃退若不吉則及遠日又筮日如初

此筮祭日用丁巳者丁當也巳自也取當自盡之義
曲禮云內事用柔日宗廟事內也丁巳皆偶爲柔或

丁或巳筮旬有一日以前月下旬丁巳由筮來月上
旬丁巳日是十又一日也必用十一日者一日祭十
日齋戒朝服卽祭服古公署通謂朝其禮服通謂朝
服史掌策命故筮事屬史左執筮執著策也韞藏策
器上韞韞蓋兼執兩手共執來日丁亥則筮之日丁
丑也必用亥者亥爲天倉受福祿也丁用亥則巳可
知巳丑日筮巳亥日亦可也歲事時祭也皇尊稱伯
行次某諡號妃其妻也某者妻之諡號配合祭某氏
妃之族姓如姬姜之類妃必異姓繫其氏以明之致
敬慎也尚饗問之辭史西面神道尚右也下韞韞底

初右手抽上韝出策。今左手執策。右手抽下韝兼執。蓋以叩著策。述主人命告之。特性筮不述命。此述命。禮盛也。人鬼交曰假。大筮尊稱有常。信之也。釋韝奠。韝于地。立筮不坐著策長也。大戴記天子著九尺。諸侯七尺。大夫五尺。士三尺。士策短可坐筮。大夫以上策長。須立也。卦者。畫卦者也。就席寫卦。須坐在左。在史南也。木板也。退占。卦者退而占也。占曰從。史告主人之辭。官戒。戒衆官。亦史戒也。宗人。公有司掌禮者。凡禮官稱宗尊神也。滌。濯祭器。宰命爲酒。祭用酒。周禮天官酒正。所謂事酒。有事新造者。卽此也。不吉。謂

上旬不從也。及遠日，謂至上旬丁亥，又筮中旬丁未，不從。至中旬丁未，又筮下旬丁巳，又不從，則止不祭也。曲禮：卜筮不過三。

宿，旬前宿一日。旬宿，戒尸，明日朝。筮尸如筮日之儀。命曰：孝孫某來日丁亥，用薦歲事于皇祖伯某，以某妃配某氏，以某之某爲尸。尚饗。筮卦占如初，吉則乃遂宿尸。祝壝主人再拜稽首，祝告曰：孝孫某來日丁亥，用薦歲事于皇祖伯某，以某妃配某氏，敢宿尸。拜許諾，主人又再拜稽首。主人退，尸送揖，不拜。若不吉，則遂改筮尸。旣宿尸，反爲期于廟門之外。主人門東南面，宗人朝服北。

面曰請祭期主人曰比於子宗人曰旦明行事主人曰
諸乃退

此筮尸也宿齋宿凡祭致齋三日祭之前三日齋宿
于外前宿一日祭前二日也宿戒尸預告爲尸者已
擇其人明日將筮先告之明日朝謂祭前一日早筮
尸筮男尸象祖考者妃無尸吉則乃遂宿尸卽筮吉
之日往宿宿猶戒也祝擯祝相主人傳辭祝告曰下
卽擯辭不吉則遂改筮卽筮日改也宿尸反卽祭之
先夕與諸執事爲期廟門外約明旦行事之期也宗
人掌禮事請于主人主人聽于宗人比猶隨也子指

宗人旦明平明也

按鄭謂祭前一日筮尸與特牲前期三日異者大夫避諸侯禮夫用尸用筮既同士可三日前筮何獨大
夫不可禮文多錯舉一日至三日皆可筮有不虞則
前一日亦可耳豈特牲小禮從容少牢反造次乎

明日主人朝服卽位于廟門之外東方南面宰宗人西
面北上牲北首東上司馬刲羊司士擊豕宗人告備乃
退雍人撝集鼎七俎于雍爨雍爨在門東南北上廩人
撝飀飀言七與敦對于廩爨廩爨在雍爨之北司宮撝
豆籩勺爵觚觶几洗篚于東堂下勺爵觚觶實于篚卒

概饌豆籩與筐于房中放于西方設洗于阼階東南當東榮

此祭之朝殺牲概器也明日卽祭日朝服祭祀之禮服古者大夫朝祭皆皮弁緇衣記曰大夫弁而祭于巳卽位于廟門外視殺牲也司馬司士皆公有司刲擊皆殺也告備告旣殺也雍人掌割烹之事概拂拭也爨竈也鼎匕俎皆設于廟門東自北直陳而南以北爲上廩人掌炊黍稷甑以炊甌甑屬有孔匕飯匙敦簋屬以盛飯廩爨在北上穀食也司宮亦公有司主陳設者豆至筐共九器而筐卽盛勺爵觚觶者卒

概拭畢也。房中之筐盛主婦獻酢之易爵也。饌于房中。陳設于東房內。放置也。西方房內西洗以洗爵。設于東階下。直對東檐。

按特牲禮殺執事人寡。以預爲敬。視牲視濯。先日爲之。少牢禮盛執事者多。以敏爲敬。殺牲概器皆當日爲之。所以異也。疏云。大夫避諸侯禮。附會鄭說也。

羹定。雍人陳鼎五。三鼎在羊鑊之西。二鼎在豕鑊之西。司馬升羊。右胖。髀不升。肩臂。臠。膊。骼。正脊一。臠脊一。橫脊一。短脅一。正脅一。代脅一。皆二骨以并。腸三。胃三。舉肺一。祭肺三。實于一鼎。司士升豕。右胖。髀不升。肩臂。臠。

膊、髀、正脊一、挺脊一、橫脊一、短脅一、正脅一、代脅一、皆二骨以并舉。肺一、祭肺三、實于一鼎。雍人倫膚九，實于一鼎。司士又升魚、腊、魚十有五而鼎。腊一純而鼎。腊用麋、卒、脅皆設扃、冪，乃舉。陳鼎于廟門之外東方，北面，北上。司宮尊兩甌于房戶之間，同於皆有冪。甌有玄酒。司宮設盥水于洗東，有枓，設篚于洗西。南肆，改饌豆，邊于房中南面，如饋之設。實豆邊之，實小祝設槃匱與簞巾于西階東。

此陳鼎實設器饌也。羹定，煮肉熟也。陳鼎五，羊豕魚腊膚也。魚腊從羊爲三鼎，皆在羊鑊西。膚從豕爲二

鼎皆在豕鑊西鑊大釜以煮肉陳鼎就鑊以便升也
凡牲肉神俎由鑊升鼎鼎入載俎餘俎卽自鑊載俎
以入此鼎皆由鑊升而入載神俎者也右胖右半體
髀股骨近竅不升于神鼎餘俎不拘肩右肩肩下爲
臂臂下爲臑膊髀後腳骨也正脊後爲脰脊脰直也
橫脊脊旁脅胷旁短脅近前骨短次爲正脅又次爲
代脅近要前後相代也正脊以下六體骨多故兼二
肩臂五者不言一無全骨也腸胃三皆羊也舉肺不
斷以食祭肺判斷以祭用三主人主婦各一與羊同
鼎從其類也君子不食豢腴故豕不升腸胃豕食穀

近人也。倫膚豕肉無骨者。比次方正。九片爲一鼎。與豕同鑊。而鼎別。司士旣升豕。又升魚腊。魚用十五一鼎。體全曰純腊。麋已殺者。脊。豕同升也。卒。豕升鼎畢也。陳鼎自鑊西移。近門東塾。北面向廟也。北上自北直陳而南也。飯瓦酒尊。房戶之間。北堂也。枌以承尊。有玄酒。一酒一水也。罍盛水。洗在東堂下。水在洗東。枌匱屬以沃水。筐盛解。南肆向南陳也。司宮始擗豆。籩陳于房內西。今將實。改設于房內南面。如特牲饋食之豆籩。在東房。先陳之後實之也。小祝設槃匱。簠巾于西階下。東戶入盥也。

傳禮文多互見如特牲言膳解不升則豕解可知獨
尸俎云不用解則是他牲俎猶用也故祝俎有豕解
少牢神俎言羊豕解不升則特牲神俎可知少牢腊
用鹿特牲用兔可知少牢尊兩甌玄酒枌禁焉不言
覆兩甌明日卒奠皆互見也他可類推鄭謂特牲士
禮少牢大夫禮二禮絕殊不相通未然

主人朝服卽位于阼階東西面司宮筵于奧祝設几于
筵上右之主人出迎鼎除鼎士盥舉鼎主人先入司宮
取二勺于篚洗之兼執以升乃啓二尊之蓋罷奠于枌
上加二勺于二尊覆之南柄鼎序入雍正執一匕以從

雍府執四七以從司士合執二俎以從司士贊者二人
皆合執二俎以相從入陳鼎于東方當序句南于洗西
皆西面北上膚爲下七皆加于鼎東枋俎皆設于鼎西
西肆所俎在羊俎之北亦西肆宗人遣賓就主人皆盥
于洗句長聲杜句佐食上利升牢心舌載于所俎心皆
安下切上午割勿沒句其載于所俎末在上舌皆切本
末亦午割勿沒其載于所橫之皆如初爲之于爨也佐
食遷所俎于阼階西西縮乃反佐食二人上利升羊載
右胖髀比不升肩臂臠膊骼正脊一脰脊一橫脊一短
脅一正脅一代脅一皆二骨以并腸三胃三長平皆及

俎拒句舉肺一長終肺祭肺三皆切肩臂臑膊體在兩
端句脊脅肺句肩在上句下利升豕其載如羊無腸胃
句體句其載于俎皆進下司士三人升魚腊膚魚用鮓
十有五而俎句縮載右首進腴腊一純而俎句亦進下
肩在上膚九而俎句亦橫載革順

此迎鼎入而載肉于俎也主人朝服立阼階下東西
面司宮掌陳設布神席于室西南隅曰奧祝接神設
几于筵右几以安神神道尚右出迎鼎迎于廟門外
士有司司宮卽前尊兩甌者勺以酌酒用二玄酒一
也蓋尊蓋罍巾也勺加尊上覆向下南枋柄向南便

執也。雍正饗人之長雍府。雍正之屬司士贊者助司士執俎者也。二人皆合執二俎。并司士執爲六俎。多一所俎也。相助也。從入從司士入俎。從七七從鼎鼎。自門外入東階下。主人親視載也。陳鼎當堂東牆下。設洗之西南。鼎皆西向。自北直陳而南。以羊豕魚腊膚爲序。俎居鼎西。所俎居五俎北。皆西向。宗人遣賓。卽二佐食三司士就主人東階下。牝鼎肉載俎長牝。謂長賓先牝長。卽上佐食佐食二人長爲上利利食也。佐食之別號。牢。卽羊豕也。心舌羊豕心舌安下切。上去本末也。安猶平也。割下平使立也。午割一縱一。

橫割勿浸不斷也。猶沒階沒雷之沒盡也。舌皆切上。
下本未欲整也。舌順俎橫陳故謂橫其在俎爲縮。與
特牲所記非異也。心舌無特鼎皆烹于門外雍。養羊
豕各自其鑊升于各鼎。今亦自各鼎載于所俎。故曰
如初。佐食擲遷所俎于東階下西者。所俎尊不與衆
俎同處也。西縮南北直陳俎面向西。未奠不橫向南
也。乃反反阼階東載衆俎也。牲體自門外鑊內升鼎
時解已不升。此又重言者。明獨尸俎不用解。非謂鼎
中尚有解也。俎足間橫木曰拒。肩臂膈膊髀五體居
俎兩端。象首足橫陳也。脊脅肺三體居中央。便先舉

也。肩居上，貴前，表其爲右也。此上皆羊俎，下利載豕，亦如羊，但豕無腸胃，皆體也。其載于俎，皆進下以骨末向神，執末食本，便也。如肩近臂爲下，臂近臑爲下，他可推。司士三人升魚，腊膚三俎，各一人，鮓鯽魚性相附，故名鮓十五，同一俎，縮載順俎，直載右首，首向東，進腴以魚腹向神。腊一純見前，膚九共實一俎，亦如體之橫陳，革皮也，以肉皮向上相順比也。

按牲體骨十一，併腸胃肺十四，其數則二十有一也。鄭謂大夫祭十一體，是去腸胃肺也，謂士當九體，是又去膚與肺也。腸胃膚肺不在數，何爲升于鼎俎？旣

信和館角 卷二
在數則所謂九與十一二十有一者皆未合也況豕
俎如羊而少腸胃則止十二而已大抵特牲以少爲
禮大牢以多爲禮槩大夫士猶可謂大夫定十九士
定十一恐未然

卒齊肅祝盥于洗升自西階主人盥升自阼階祝先入
南面主人從句戶內西面主婦被錫衣侈袂薦自東房
韭菹醢醢坐奠于筵前主婦贊者一人亦被錫衣侈袂
執葵菹羸醢以授主婦主婦不興遂受陪設于東韭菹
在南葵菹在北主婦興入于房佐食上利執羊俎下利
執豕俎司士三人執魚腊膚俎序升自西階相句從入

設俎羊在豆東豕亞其北魚在羊東腊在豕東特膚當
俎北端主婦自東房執一金敦對黍有蓋坐設于羊俎
之南婦贊者執敦稷以授主婦主婦興受坐設于魚俎
南又興受贊者敦黍坐設于稷南又興受贊者敦稷坐
設于黍南敦皆南首主婦興入于房祝酌奠遂命佐食
啓會佐食啓會蓋二以重設于敦南主人西面祝在左
主人再拜稽首句祝祝曰孝孫某敢用柔毛剛鬣嘉薦
晉淖用薦歲事于皇祖伯某以某妃配某氏尚饗主人
又再拜稽首

此薦俎入室而陰厭也卒齊升俎畢入入室被書衣

錫光澤也。如錫。褻之錫。漢人云。曳阿錫。侈袂大袖也。主婦薦豆。自東房出。親執韭菹醯醢。并設于神席南。又取簠者所執葵菹醯醢。陪設韭菹在南。葵菹在北。醯醢在韭菹東。羸醢在葵菹東。故曰。陪設于東。羊在醢醢東。豕在羊北。陪居羸醢東。魚陪居羊東。腊次魚。陪居豕東。膚次腊。無陪。獨居北末。故曰特。金敦銅簋以盛黍稷。各二。始設一黍于羊俎南。次設一稷于黍東。當魚俎南。次又設一黍于稷南。次又設一稷于黍東。當前黍之南。敦南首。席以南爲上也。敦形似獸首。向南。祝酌酒。奠于薦南。啓敦蓋。兩兩相重。設于敦南。

祝致祝辭于神達主人之意柔毛羊也剛鬣豕也嘉薦苴醢也普淖猶大和黍稷也無尸而饗謂之陰厭○按鄭註被錫作髮鬻以此禮專爲大夫附合周禮追師副次之文併其所解周禮亦非也又謂敦飾象龜有上下甲鑿也

祝出迎尸于廟門之外主人降立于阼階東西面祝先入門右尸入門左宗人奉槃東面于庭南一宗人奉匱水西面于槃東一宗人奉簞巾南面于槃北乃沃尸盥于槃上卒盥坐奠簞取巾興振之三以授尸坐取簞興以受尸巾祝延尸尸升自西階入祝從主人升自阼

階祝先入主人從尸升筵祝主人西面立于尸內祝在左祝主人皆拜受尸尸不言尸答拜遂坐祝反南面尸取韭菹辯攄于三豆祭于豆間上佐食取黍稷于四敦下佐食取牢一切肺于俎以授上佐食上佐食兼與黍以授尸尸受同祭于豆祭上佐食舉尸牢肺正脊以授尸上佐食爾上敦黍于筵上右之主人羞肺俎升自阼階置于膚北上佐食羞兩鉶取一羊鉶于房中坐設于韭菹之南下佐食又取一豕鉶于房中以從上佐食受坐設于羊鉶之南皆芼皆有杞尸扱以杞祭羊鉶遂以祭豕鉶嘗羊鉶食舉三飯上佐食舉尸牢幹尸受振祭

嘑之佐食受加于所句上佐食羞哉兩瓦豆句有醯醢
用瓦豆句設于薦豆之北尸又食食哉上佐食舉尸一
魚尸受振祭嘑之佐食受加于所橫之又食上佐食舉
尸腊肩尸受振祭嘑之上佐食受加于所又食上佐食
舉尸牢骼如初又食尸告飽祝西面于主人之南獨脩
不拜脩曰皇尸未實句脩句尸又食上佐食舉尸牢肩
尸受振祭嘑之佐食受加于所尸不飯告飽祝西面于
主人之南主人不言拜脩尸又三飯上佐食受尸牢肺
正脊加于所

此迎尸入而十一飯也尸入門左將升西階也坐奠

簞者奉巾之宗人也尸不言象神也祝反南向迎尸
事畢也祭食以下皆佐食事牢卽羊豕切肺三取其
一兼與黍兼肺也豆祭卽先所煇韭菹之祭尸牢卽
尸俎羊豕也肺爲氣主脊爲正體故尸舉此二者以
終十一飯祭食唯取黍食重黍也上敦黍當羊俎之
南者也筵上神席上坐曰席饌曰筵主人親羞所俎
敬也置膚北盡北端也兩鉶一羊一豕羊在韭南豕
在羊南皆毛皆和以菜也祭鉶當鉶以下皆右手爲
之左手執肺脊至十一飯畢然後以授佐食也食舉
食肺脊也三飯尸三食黍長脅曰幹切肉曰胾胾兩

豆醢亦兩豆設于葵菹羸醢之北尸又食舉魚食哉
四飯也又食舉腊肩五飯也又食舉牲骼六飯也又
食不舉七飯也祝至七飯始自南面轉向西侑尸食
獨侑不共主人也尸又食舉牲肩八飯也主人拜侑
尸爲之三飯十一飯也祝侑言主人侑不言爲祝一
飯爲主人三飯親疏異也上佐食乃受尸所舉肺與
正脊同前所舉幹魚腊肩牢骼牢肩併加于肝俎
按特牲尸九飯每三飯必舉腊魚此十一飯腊魚惟
一舉何也特牲體不足故三鼎并舉少牢牲倍故重
牲而畧魚腊鄭謂大夫之禮不過五舉今計始舉肺

正脊次舉幹三舉魚四舉膾肩五舉骼六舉肱是不止五矣又嘗羊鉶又食載是不止六矣

主人降洗爵升北面酌酒乃醑尸尸拜受主人拜送尸祭酒啐酒賓長羞牢肝用俎縮執俎肝亦縮進末鹽在右尸左執爵右兼取肝換于俎鹽振祭齊之加于苴豆卒爵主人拜祝受尸爵尸答拜祝酌授尸尸醋主人主人拜受爵尸答拜主人西面奠爵又拜上佐食取四敦黍稷下佐食取牢一切肺以授上佐食上佐食以綏祭主人左執爵右受佐食坐祭之又祭酒不興遂啐酒祝與二佐食皆出盥于洗入二佐食各取黍于一敦上

佐食兼受搏圖之以授尸尸執以命祝卒命祝句祝受
以東句北面于戶西以嘏于主人曰皇尸命工祝承致
多福無疆于女孝孫來女孝孫使女受祿于天宜稼于
田眉壽萬年勿替引之主人坐奠爵興再拜稽首興受
黍坐振祭嘑之詩懷之實于左袂挂于季指執爵以興
坐卒爵執爵以興坐奠爵拜尸答拜執爵以興出宰夫
以籩受齊黍主人嘗之納諸內

此主人獻尸尸酢主人也肝謂羊豕肝進末以末向
尸使執末換鹽也尸兼取肝兼羊豕也祝酌授尸尸
不親酌也取四敦黍稷各取少許也取牢一切肺祭

肺有三皆切。綏接通卽墜祭。右受佐食受接祭也。尸命祝。命嘏辭也。卒命祝。命祝畢也。祝受以東。尸在室西隅。祝席前受尸命。遂東就主人。戶內之位致嘏也。工猶官也。云宜稼于田。祿自田出。周人重農也。詩志也。詩懷解見。特牲納諸內藏于東壁也。

主人獻祝。設席南面。祝拜于席上。坐受。主人西面答拜。薦兩豆。菹醢。佐食。設俎。牢髀橫脊一。短脅一。腸一。胃一。膚三魚一。橫之。腊兩髀屬于尻。高祝取菹。攄于醢。祭于豆間。祝祭俎。祭酒啐酒。肝牢從。祝取肝。攄于鹽。振祭。齊之不興。加于俎。卒爵興。主人酌獻上佐食。上佐食。戶內

牖東北面拜。坐受爵。主人西面答拜。佐食祭酒。卒爵拜。坐授爵興。俎設于兩階之間。其俎折一膚。主人又獻下。佐食亦如之。其胥亦設于階間。西上亦折一膚。

此主人獻祝與佐食獻尸而及祝佐食體神意也。拜于席上坐受變常禮也。蓋室中獻禮尊祝與佐食因神受賜故拜席上跪受之示不敢當也。俎用髀禮殺于神也。尻尾骨屬連也。戶內牖東室戶在牖東皆南向。佐食拜于戶內牖下北向。云牖東者對神席在牖西也。佐食室中受爵而不設俎。俎在堂下兩階之間。特牲記云佐食無事則中庭北面。俎卽設于其所折。

一膚豕肉一片折分也肉在俎曰胾西上上佐食在西也

按古者坐以兩膝著地兩股貼足謂之宴坐賓主席上之坐是也兩膝著地直身起謂之危坐賤者及罪人之坐卽今跪也鄭解混爲一故以祝佐食受獻同尸坐謂祝拜席上坐受爲室中狹非也古室在堂北爲事神行禮陳設之所非狹也禮豈因地狹遂廢有司贊者取爵于篚以升授主婦贊者于房尸婦贊者受以授主婦主婦洗于房中出酌入尸西面拜獻尸尸拜受主婦主人之北西面拜送爵尸祭酒卒爵主婦拜

祝受尸爵尸答拜。句易爵。句洗。句酌授尸。主婦拜受爵尸答拜。上佐食綏祭。主婦西面于主人之北受祭。祭之其綏祭如主人之禮。不嘏。卒爵拜。尸答拜。主婦以爵出贊者受易爵于篚以授主婦于房中。

此主婦獻尸。尸酢主婦。有司司祭事。贊者助有司。主婦贊者。婦人也有司不親。使贊者與主婦贊者相授。厚別也。有司贊者立堂下。卽取堂下爵承以篚升授主婦。贊者曲禮曰。男女凡喪祭不相授器。其相授女以篚。房東房戶亦南向。在室戶東出酌。出房酌酒于房戶間之甔。入室戶內。主婦肅拜獻尸。尸拜受。主婦

又拜送所謂俠拜也。易爵祝更取爵房中洗酌男女不同器也。其綏祭如主人禮。二佐食四敦黍稷。一切肺同也不嘏統于主人也。有司贊者受易爵于篚。受于祝也。贊者以授婦贊者入授主婦。易爵本自房出。仍入于房。

主婦洗酌獻祝祝拜坐受爵。主婦答拜于主人之北。卒爵不興坐授主婦。主婦受酌獻上佐食于戶內佐食北面拜坐受爵。主婦西面答拜祭酒卒爵坐授主婦。主婦獻下佐食亦如之。主婦受爵以入于房。

此主婦獻祝與佐食也。

賓長洗爵獻于尸。尸拜受爵。賓戶西北面拜送爵。尸祭酒卒爵。賓拜祝受尸爵。尸答拜。祝酌授尸。賓拜受爵。尸拜送爵。賓坐奠爵。遂拜執爵以興。坐祭。遂飲卒爵。執爵以興。坐奠爵。拜。尸答拜。賓酌獻祝。祝拜。坐受爵。賓北面答拜。祝祭酒啐酒。奠爵于其筵前。

此賓長獻尸及祝也。不獻佐食。將與賓餽也。有賓尸。故獻禮從簡。

主人出。立于阼階上。西面。祝出。立于西階上。東面。祝告曰。利成。祝入尸。謖。主人降。立于阼階東。西面。祝先。尸從。遂出。于廟門。祝反。復位于室中。主人亦入于室。復位。祝。

命佐食徹所俎降設于堂下阼階南

此祭畢尸出主人降立于阼階如初入也尸出于廟門外俟饋也徹所俎不出門將褻以饋尸也

司宮設對席乃四人養

餽

上佐食盥升下佐食對之賓

長二人備司士進一敦黍于上佐食又進一敦黍于下

佐食皆右之干席上資黍于羊俎兩端

句

兩下是餽

司士乃辯舉

句

養者皆祭黍祭舉主人西面三拜養者

養者奠舉于俎皆答拜皆反取舉司士進一鉶于上養

又進一鉶于次養又進二豆湑于兩下乃皆食食舉卒

食主人洗一爵升酌以授上養贊者洗三爵酌主人受

于戶內以授次養。若是以辯，皆不拜受爵。主人西面三拜養者。養者奠爵，皆各拜。皆祭酒。卒爵，奠爵皆拜。主人答壹拜。養者三人興出。上養止。句主人受上養爵，酌以酢于戶內。西面坐，奠爵拜。上養答拜。坐祭酒，啐酒。上養親嘏曰：「主人受祭之福，胡壽保健家室。」主人興坐，奠爵拜。執爵以興，坐卒爵拜。上養答拜。上養興出。主人送乃退。

此祭畢而餽尸之餘也。對席室中東西對設席，乃四人養者承前篇特牲止二人餽。此則兩佐食兩賓四人對，猶當也。佐食言對，賓長言備。佐食爲正居右而

賓皆居左蓋室中之事佐食與尸周旋父而闕一獻
神惠宜首及賓長助獻因得伴食也席右爲上左爲
下東席向西以北爲右西席向東以南爲右上佐食
居西席之右進一敦黍于前下佐食居東席之右亦
進一敦黍于前故曰皆右之于席上資黍以敦中黍
分資兩賓羊俎卽四人所餽之俎一賓在上佐食北
一賓在下佐食南坐于羊俎兩端居二佐食之左故
謂之兩下分黍于俎兩端使二賓饑明無專敦也司
士乃辯舉舉羊體徧授四人特牲餽以豕膚少牢餽
以羊俎主人三拜養旅拜也滷肉汁又進二豆滷者

初薦尸止二鉶故別進二豆滫于兩賓也主人答壹拜分尊也上養止獨留不出也上養居尸位不出戶親酌故主人自酢胡壽猶眉壽老人頷下有胡

按鄭以司士辯舉爲舉膚因特牲餽豕膚也少牢重羊舍羊取豕非禮本意禮畧于特牲以別有饋也賓獻獨不及佐食以佐食得正餽也賓長不得正餽以賓將爲侑也此制禮損益之節

儀禮節解卷十六終

儀禮節解卷十七

郝敬習

有司徹第十七

有司徹承上養事畢。有司徹室中饌。饋尸于堂之禮。
饋尸卽繹。凡大祭明日繹。春秋辛巳有事于大廟。壬
午繹。少牢之饋卽祭日也。此篇本合少牢爲一。昔人
以簡扎繁析之。猶旣夕于士喪也。鄭因謂有司饋尸
爲上大夫。不饋尸爲下大夫。饋與不饋。事故適然。或
祭有大小。禮有損益。未可据此分大夫之上下也。
有司徹埽堂。司宮攝酒。乃爇尋尸俎。卒爇乃升羊豕魚

三鼎無腊與膚乃設局鼎陳鼎于門外如初

此將饋尸而新其饌也承前養既遂執事者乃徹室中之饋室外為堂埽堂將饋尸也既祭又饋尸答象神之勞敬養無已也司官司陳設者攝酒重益酒于尊熬煒同以羊豕魚溫于鑊自鑊升鼎門外廟門外乃議侑于賓以異姓宗人戒侑侑出俟于廟門之外此擇侑也侑以輔尸陪賓也議擇人也尸同姓侑必異姓故于賓議既定宗人遂戒之賓已卽位門內出俟于廟門外將與尸更入也

司宮筵于戶西南面又筵于西序東面尸與侑北面于

廟門之外西上主人出迎尸宗人擯主人拜尸答拜主人又拜侑侑答拜主人揖先入門右尸入門左侑從亦左揖乃讓句主人先升自作階尸侑升自西階西楹西北面東上主人東楹東北面拜至尸答拜主人又拜侑侑答拜

此設筵迎尸與侑尸西室戶西室在堂北尸稍東筵于戶西則堂正中也南面背室牖此尸席也西序堂西牆東面負序此侑席也尸與侑立廟門外皆北面賓禮也西上尸在西主人先入導行也入門右趨東階尸侑入門左趨西階揖謂門內左右分首及當塗

當碑三揖乃讓謂及階三讓自主人出迎及拜至皆用賓禮與祭時尸入不迎異所以爲賓尸而尸稍卑矣

乃舉司馬舉羊鼎司士舉豕鼎舉魚鼎以入陳鼎如初雍正執一匕以從雍府執二匕以從司士合執二俎以從司士贊者亦合執二俎以從匕皆加于鼎東枋二俎設于羊鼎西西縮二俎皆設于二鼎西亦西縮雍人合執二俎陳于羊俎西並句皆西縮覆二疏匕于其上皆縮俎西枋

此舉鼎俎入廟也陳鼎如初當東序西面自北直陳

而南與始祭同也。雍正雍府共執三匕。羊豕魚各一也。司士與贊者共執四俎。尸侑主人主婦共四也。四俎亦自北橫設而南。以二在羊西。尊羊也。豕魚鼎西各一。欲鼎邊皆有俎。不嫌所載異。西縮直西。順俎橫設。雍人又合執二俎。並陳于羊俎西。共前爲六俎。蓋初獻尸用三俎。羊正俎。羊匕湑俎。羊肉湑俎。亞獻尸用二俎。豕匕湑俎。豕胾俎。三獻尸用一俎。湑魚俎也。疏匕。疏刻文飾之匕。蓋勺類。以盛湑。用二。羊豕各一。魚不用。重在牲也。前二俎在羊鼎西者。爲實羊。此二匕俎在羊俎西者。爲薦湑。皆縮俎。疏匕皆順俎。橫覆。

其上柄在西

主人降受宰几尸侑降主人辭尸對宰授几主人受二手橫執几揖尸主人升尸侑升復位主人西面左手執几縮之以右袂推拂几三二手橫執几進授尸于筵前尸進二手受于手閒主人退尸還几縮之右手執外廉北面奠于筵上左之南縮不坐主人東楹東北面拜尸復位尸與侑皆北面答拜

此授尸几几以奉尸非奉侑尸升降拜侑皆從乃所以爲侑也推拂去塵也拂几則直順便也授几則橫對便也主人二手橫執几執外廉也尸二手受受內

廉也。廉，邊也。主人二手執几，兩端尸併二手執几，中間授者極慎，受者極恭也。還，旋同。旣橫受，復旋轉直，設右手執外廉，執主人所執之方。設向東曰外，筵南向故北面奠于筵上，左之，謂奠几筵東，神几尚右，賓几尚左，南縮順南直，設不坐，立奠几，高不及地也。主人拜，拜送几。

按記：孫爲祖尸，祭用之，猶曰象神耳。旣祭，又賓，是父爲主人而賓客其子，獻酬坐拜不一而足。雖古人制作有深意于常情，亦甚駭矣。所以不能使之百世不違也。故君子行禮義爲質。

主人降洗尸侑降尸辭洗主人對卒洗揖主人升尸侑
升尸西楹西北面拜洗主人東楹東北面奠爵答拜降
盥尸侑降主人辭尸對卒盥主人揖升主人坐取爵酌
獻尸尸北面拜受爵主人東楹東北面拜送爵主婦自
東房薦韭菹醢坐奠于筵前菹在西方婦贊者執菹
醢以授主婦主婦不興受陪設于南昌在東方興取籩
于房籩蕢坐設于豆西當外列籩在東方婦贊者執白
黑以授主婦主婦不興設于初籩之南白在西方興退
此主人初獻尸主婦以豆邊從獻正祭先薦後獻釋
祭先獻後薦祭主食饋主酒豆邊卽周禮醢人朝事

之豆。籩，韭菹醢。謂韭菹醢醢。昌菹醢。謂昌本麋醢。醢亦醢。此四豆也。麴炒麥。蕡炒麻子。白炒稻米。黑炒黍米。此四籩也。韭菹在筵西。醢醢在韭菹東。昌菹醢陪設于南。接韭菹醢之南也。昌在東。次醢醢南。麋醢在西。次韭菹南。麴蕡在豆西。列于外。中空二列。避二鉶也。麴在東。在蕡東。蕡西。麴東。皆對韭西也。白黑設于初籩之南。接麴蕡南也。白在西。蕡南也。黑在東。麴南也。白西黑東。皆對麋醢之西也。興退。主婦起。退歸東房也。

乃升。句司馬札羊。亦司馬載。載右體。肩。臂。肱。髀。臠。正脊。

一。脰脊一，橫脊一，短脊一，正脊一，代脊一，腸一，胃一，祭
肺一，載于一俎。羊肉湑，臠折，正脊一，正脊一，腸一，胃一，
齊肺一，載于南俎。司士牝豕亦司士載，亦右體肩、臂、肫、
骼、臠，正脊一，脰脊一，橫脊一，短脊一，正脊一，代脊一，膚
五齊肺一，載于一俎。脰脊一，羊左肩，左肫，正脊一，脊一，腸
一，胃一，切肺一，載于一俎。脰脊一，豕左肩折，正脊一，脊一，
膚三，切肺一，載于一俎。阼俎，羊肺一，祭肺一，載于一俎。
羊肉湑，臂一，脊一，脊一，腸一，胃一，齊肺一，載于一俎。豕
脊，臂一，脊一，脊一，膚三，齊肺一，載于一俎。主婦俎，羊左
臠，脊一，脊一，腸一，胃一，膚一，齊羊肺一，載于一俎。司士

牝魚亦司士載尸俎五魚橫載之侑主人亦橫載之皆加膋祭于其上

此將進俎而升鼎肉于俎上篇言俎實此復歷言者尸俎重爓體變數更用俎多也司馬牝羊肩臂以下共十四物載于一俎卽司士所執之二俎設于羊鼎西之第一俎也正脊以下不言二骨並者折爲衆俎也羊肉渫羊肉連汁者以其重爓故肉有渫膋折以祭俎之膋折分也南俎卽司士所執設于羊鼎西之第二俎上首爲北次爲南司士牝豕肩臂以下十七物載于一俎卽贊者設于豕鼎西之俎也此以上三

俎與後牝魚一俎皆尸俎皆升自阼階下之鼎故皆
言牝羊肉湑不言牝者從上牝羊之文也又雍人所
執二俎陳于羊俎之西者亦不言牝一爲羊牝湑俎
一爲豕牝湑俎湑無肉故不與牲體同敘下文獻尸
乃詳自脩俎以下脩羊豕俎阼羊豕俎主婦羊俎脩
與主人魚俎皆不在前所設六俎之數其俎實亦不
在司馬司士所舉入三鼎之內皆別爇之而升自門
外以入因尸俎並及耳其以脩阼主婦俎併尸言者
因羊豕類及猶下文魚俎亦以脩主人從尸言也脩
俎三二羊一豕一魚阼俎主人俎四一羊一羊肉湑

一豕膋一魚主婦俎一羊司士杜魚是尸之魚俎尸
以下俎不一設于堂上者皆止一羊俎其豕魚等俎
皆以其實併于羊俎而各執虛俎降詳見各節橫載
之謂五魚橫陳于俎取一大臠加其上曰臠以待祭
也卒升升肉畢凡尸俎實皆自鼎升

按上文司士贊者與雍人所執六俎皆尸俎文義曉
然鄭以十二俎分配淆亂不可讀牲體貴賤多寡禮
曲而殺不得不詳然祭後重燹肉已糜爛欲于階下
臨薦之頃一一如法布置以登于俎亦煩且瑣矣用
禮者識其義可耳

賓長設羊俎于豆南賓降尸升筵自西方坐左執爵右
取韭菹換于三豆祭于豆間尸取麴糵宰夫贊者取白
黑以授尸尸受兼祭于豆祭句雍人授次賓疏匕與俎
受于鼎西左手執俎左廉縮之卻右手執匕枋縮于俎
上以東面受于羊鼎之西司馬在羊鼎之東二手執桃
匕枋以挹酒注于疏匕若是者三尸興左執爵右取肺
坐祭之祭酒興左執爵次賓縮執匕俎以升若是以授
尸尸卻手受匕枋坐祭齊之興覆手以授賓賓亦覆手
以受縮匕于俎上以降尸席末坐啐酒興坐奠爵拜告
旨執爵以興主人北面于東楹東答拜司馬羞羊肉酒

縮執俎尸坐奠爵興取肺坐絕祭齊之興反加于俎司馬縮奠俎于羊酒俎南乃載于羊俎卒載俎縮執俎以降尸坐執爵以興次賓羞羊燔縮執俎縮一燔于俎上鹽在右尸左執爵受燔捩于鹽坐振祭齊之興加于羊俎賓縮執俎以降尸降筵北面于西楹西坐卒爵執爵以興坐奠爵拜執爵以興主人北面于東楹東答拜主人受爵尸升筵立于筵末

此賓以俎從主人獻尸也賓長上賓羊俎卽司馬所牝羊鼎西第一俎設于主婦所薦四豆之南賓旣設羊俎降尸自西楹西升尸西南面之筵坐以左手執

主人所奠爵非菹醢貴在北近筵尸自取白黑在南
遠宰夫贊者取授尸以併祭于韭菹之祭間次賓亞
于賓長疏匕卽雍人陳于羊俎西之第一俎覆疏匕
于上者受于鼎西就鼎取湑也左廉俎左邊縮直也
卻仰手向後匕中有湑直設俎上以左手前執俎左
邊右手向後仰執匕柄桃言淘桃匕亦勺似匕以淘
取羊湑于鼎注于疏匕若是者三三挹三注俎載以
進尸興執爵祭肺接上祭白黑遂祭肺祭酒次賓乃
以羊湑進若是以授謂以疏匕與俎授尸如前儀不
變也尸卻右手仰執匕柄左手猶執爵坐而瀉湑于

地以祭乃嘗羊湑以匕授賓覆手手向下初受匕湑將祭仰手執之既祭既齋覆手執匕以授也賓受虛匕並俎下堂凡加俎不設于堂則直執之蓋賓尸唯羊俎爲正奠于堂上其羊肉湑羊匕湑豕胄湑魚俎皆以其實併載于羊俎而以虛匕俎降不與羊俎同設也既進羊匕湑復進羊肉湑者匕湑清汁肉湑有肉用匕同也尸既奠爵祭肺齋肺反肺于羊俎司馬乃以羊肉湑俎升奠于羊俎南取肉湑併載于羊俎畢縮執虛俎降尸坐執爵興次賓又進羊燔燒肉曰燔以羊燔一片直陳俎上此俎之未陳者以載燔進

尸執燔祭齊反加于羊俎賓亦執虛俎降此以上主人獻尸從薦者五主婦設蓬豆一賓長設羊俎二次賓羞羊匕渚三司馬羞羊肉渚四次賓羞羊燔五按司馬縮奠俎于羊俎南坊本作羊渚俎南多一渚字誤當刪

主人酌獻侑侑西楹西北面拜受爵主人在其右北面答拜主婦薦韭菹醢坐奠于筵前醢在南方婦贊者執二籩羹養以授主婦主婦不興受之奠籩于醢南養在醢東主婦入于房侑升筵自北方司馬橫執羊俎以升設于豆東侑坐左執爵右取菹換于醢祭于豆間又取

麴蕢同祭于豆祭。句興左執爵。右取肺。坐祭之。祭酒興。左執爵。次賓羞羊燔。如尸禮。侑降筵。自北方。北面于西楹西。坐卒爵。執爵以興。坐奠爵拜。主人答拜。

此主人獻侑也。主人酌獻侑。不洗爵者。承獻尸爵。無酢也。爵自尊來。卑無洗。自卑適尊。雖獻間無酢。亦洗。主婦以韭菹醢從薦。醢常並菹。今醢在南。菹在北。直陳者。尸在北。統于尸也。麴奠于醢之南。是蕢屈而東。麴在西。兩邊相並也。司馬執羊俎。執前所設侑俎。羊左有。以下七物共載者也。橫執正俎也。儻尸羊俎爲正。橫執其羊肉。羊胾。豕胾。魚以下加俎。皆緇執。羊

俎設于豆東韭菹之東也此以上主人獻侑從薦者
三主婦薦邊豆一司馬薦俎二次賓羞羊燔三降于
尸二等無羊匕渚與羊肉渚也

尸受侑爵降洗侑降立于西階西東面主人降自阼階
辭洗尸坐奠爵于篚興對句卒洗主人升尸升自西階
主人拜洗尸北面于西楹西坐奠爵答拜降盥主人降
尸辭主人對卒盥主人升尸升坐取爵酌司宮設席于
東序西面主人東楹東北面拜受爵尸西楹西北面答
拜主婦薦韭菹醢坐奠于筵前菹在北方婦贊者執二
邊羹黃主婦不興受設于菹西北黃在羹西主人升筵

自北方主婦入于房長賓設羊俎于豆西主人坐左執爵祭豆邊如侑之祭興左執爵右取肺坐祭之祭酒興次賓羞匕湑如尸禮席末坐啐酒執爵以興司馬羞羊肉湑縮執俎主人坐奠爵于左興受肺坐絕祭啐之興反加于湑俎司馬縮奠湑俎于羊俎西乃載之卒載縮執虛俎以降主人坐取爵以興次賓羞燔主人受如尸禮主人降筵自北方北面于阼階上坐啐爵執爵以興坐奠爵拜執爵以興尸西楹西答拜主人坐奠爵于東序南侑升尸侑皆北面于西楹西主人北面于東楹東再拜崇酒尸侑皆答拜主人及尸侑皆升就筵

此尸酢主人也。祭則主人獻尸。尸卽酢主人。賓則俟主人獻侑尸。乃酢。蓋祭尸尊。賓尸卑。俟主人先伸其敬。而后伸敬主人也。下文賓長獻尸。致爵主人。而后尸酢賓。亦此意。主人與尸升。侑不升者。避尸酢主人也。司宮設主人席。堂東牆下。與侑席對。主人東楹東。北面受爵。尸于席前東南面酢主人。主婦薦韭菹醢于主席。菹在北。醢在南。麴在菹西北。蕢在麴西。當韭菹之北也。長賓設羊俎。卽前阼俎。羊肺祭肺同載者。于豆西。于韭菹西。主席邊豆之設。變于侑席也。祭則主人之席。待致爵。乃設此尸酢。卽設者。主愈尊。故從

獻之數與尸同惟豆籩少二次賓羞匕湑司馬羞羊
肉湑之俎皆卽羞尸之匕俎雍人所設于羊俎西者
也肉有湑皆用匕主人齊肺反加于羊俎司馬乃載
羊肉湑于羊俎執虛俎降與前獻尸同尸酢終主人
奠爵將拜崇酒侑乃升陪尸答拜此以上尸酢主人
從薦者五主婦薦籩豆一賓長設羊俎二次賓羞羊
匕湑三司馬薦羊肉湑四次賓羞羊燔五與尸同主
人所以尊也

按主人齊肺興反加于俎坊本作加于湑俎多一湑
字誤當刪

司宮取爵于筐以授婦贊者于房東以授主婦主婦洗于房中出賓爵尊南西面拜獻尸尸拜于筵上受句主婦西面于主人之席北拜送爵入于房取一羊鉶坐奠于韭菹西主婦贊者執豕鉶以從主婦不興受設于羊鉶之西興入于房取糗與脩執以出坐設之糗在簋西脩在白西興立于主人席北西面尸坐左執爵祭糗脩同祭于豆祭以羊鉶之柶挹羊鉶遂以挹豕鉶祭于豆祭祭酒次賓羞豕匕渚如羊匕渚之禮尸坐啐酒左執爵嘗上鉶執爵以興坐奠爵拜主婦答拜執爵以興司士羞豕胾尸坐奠爵興受如羊肉渚之禮坐取爵興

次賓羞豕燔尸左執爵受燔如羊燔之禮坐卒爵拜主婦答拜受爵

此主婦亞獻尸司宮取爵承于篚授婦贊者以授婦不親授也尊卽祭時尊于房戶間者主婦洗爵出尊前酌酒卽尊前西面拜獻尸尸卽筵上拜受禮變于主人殺也主婦退就主人席北西向又拜婦人俠拜也羊鉶羊羹之和者奠于韭菹西卽前云豆西之外列麴黃之內也豕鉶在羊鉶西是麴之東也糗乾米餅服脩卽脯也糗在黃西脩在白西南北直陳也二鉶用贊者糗脩皆親執鉶鼎重故特執脩脯輕故并

執也豕匕清豕肉汴盛以疏匕載以俎卽羊俎西之
第二匕俎也嘗上鉶齊羊鉶也羊左爲上司士羞豕
胥卽前司士所牝載豕右肩以下十七物共載者也
受如羊肉湑之禮亦奠于羊俎西併于羊俎縮執虛
俎以降等禮同也

酌獻侑侑拜受爵主婦主人之北西面答拜主婦羞糗
脩坐奠糗于醴南脩在黃南侑坐左執爵取糗脩兼祭
于豆祭司士縮執豕胥以升侑興取肺坐祭之司士縮
奠豕胥于羊俎之東載于羊俎卒乃縮執俎以降侑興
次賓羞豕燔侑受如尸禮坐卒爵拜主婦答拜受爵

此主婦獻侑也。主婦尊前拜獻侑筵上拜受與獻尸同。無薦鉶。不祭酒。殺于尸也。司士執豕脊。卽前侑俎。豕左肩折以下七物共載者也。縮執奠于羊俎東。載于羊俎。縮執虛俎降與前同。以上主婦獻侑。從薦者三。主婦羞糗脩一。司士羞豕脊二。次賓羞豕燔三。亦降于尸。二等無鉶。無豕匕涪也。

酌以致于主人。主人筵上拜受爵。主婦北面于阼階上答拜。主婦設二鉶與糗脩。如尸禮。句主人其祭糗脩祭鉶祭酒。受豕匕涪。拜啐酒。皆如尸禮。嘗鉶不拜。其受豕脊。受豕燔。亦如尸禮。坐卒爵拜。主婦北面答拜。受爵。

此主婦致爵主人致送也。主婦以受尸虛爵酌酒送主人。主人筵在東序西向拜受。主婦阼階上北面答拜于主人之西南也。前尸啐酒嘗上鉶與拜。今主人嘗鉶不拜。凡拜爲啐酒也。尸拜啐酒在嘗鉶後。此嘗鉶不拜爲不拜啐酒。上文拜啐酒之拜當是衍字。此主婦致爵于主人從薦亦五。設二鉶一。設糗脩二豕匕渚三豕肴四豕燔五與獻尸同。

按鄭謂嘗鉶不拜爲不告旨。夫尸告旨惟主人初獻主婦亞獻尸亦不告旨。告旨與啐酒同拜既云拜啐酒又云不拜何以其明爲不告旨也。

尸降筵受主婦爵以降主人降侑降主婦入于房主人
立于洗東北面侑東面于西階西南尸易爵于篚盥洗
爵主人揖尸侑句主人升尸升自西階侑從句主人北
面立于東楹東侑西楹西北面立尸酌主婦出于房西
面拜受爵尸北面于侑東答拜主婦入于房司宮設席
于房中南面主婦立于席西婦贊者薦韭菹醢坐奠于
筵前菹在西方婦人贊者執醢贊以授婦贊者婦贊者
不興受設醢于菹西贊在醢南主婦升筵司馬設羊俎
于豆南主婦坐左執爵右取菹楔于醢祭于豆間又取
醢贊兼祭于豆祭主婦奠爵興取肺坐絕祭齊之興加

于俎坐悅手祭酒啐酒次賓盞羊燔主婦興受燔如
主人之禮主婦執爵以出于房西面于主人席北立卒
爵執爵拜尸西楹西北面答拜主婦入立于房尸主人
及侑皆就筵

此尸酢主婦必待主婦致爵主人而後酢者尊主人
使先受獻也尸降筵受主婦致主人之虛爵下堂洗
主人與侑從降主婦避于房主人立洗東侑立西階
下尸以所受爵易觴中爵洗男女不襲器也主人揖
先升東階尸侑升西階主人立楹東侑立楹西尸酌
酒主婦出房西面立于主人席之北尸就酢主婦主

婦受爵入司宮設席房中。初主人設席而后受爵主婦先受爵而后設席。禮降也。婦贊者宗婦助祭者薦韭菹醢于房中。筵前。菹在西醢在東並設也。婦入贊者助主婦者也。麴在菹西。蕢在麴南。二籩直設于豆西。司馬設羊俎。卽前主婦俎。羊左臠以下七物共載者也。豆南。當菹醢南。蕢東也。主婦受爵卒爵則于堂薦祭以至啐酒羞燔皆于房執爵拜。婦人立拜也。以上尸酢主婦從薦者三婦贊者設豆籩一。司馬設羊俎二次。賓羞羊燔三。主婦與侑同。三尸與主人同五尊卑之等也。

上賓洗爵以升酌獻尸。尸拜受爵。賓西楹西北面拜送爵。尸奠爵于薦左。賓降。

此賓三獻尸也。尸奠爵不舉者。三獻禮成。欲神惠均于庭也。奠于左。示不舉也。俟主人獻衆賓以下。乃作止爵。

主人降洗爵。尸侑降。主人奠爵于篚。辭。尸對。卒洗揖。尸升。侑不升。主人賓爵。酬尸東楹東北面坐奠爵拜。尸西楹西北面答拜。坐祭遂飲。卒爵拜。尸答拜。降洗。尸降辭。主人奠爵于篚。對。卒洗。主人升。尸升。主人賓爵。尸拜受爵。主人反位答拜。尸北面坐奠爵于薦左。尸侑。主人皆

升筵乃羞。宰夫羞房中之羞于尸。侑主人主婦。句皆右之。司士羞庶羞于尸。侑主人主婦。句皆左之。

此主人酬尸也。蓋體尸止爵之意。將飲賓而先自尸始。然不曰獻曰酬者。獻終于三酬。繼之特牲尸無酬。此酬者。尸既爲賓矣。主人揖尸升。侑不升者。酬禮殺于獻。不陪也。尸奠爵于薦左。未卽舉也。異味曰羞。羞從酬。賤味也。房中之羞。婦工所脩。餅餌之類。穀物也。庶羞。雍人所脩。載醢之類。牲物也。內羞爲陰。故右。庶羞爲陽。故左。尸侑主人主婦同也。

主人降。南面拜衆賓于門東。三拜。句衆賓門東北面皆

答壹拜。主人洗爵。長賓辭。主人奠爵于篚。興對。卒洗升酌。獻賓于西階上。長賓升拜受爵。主人在其右。北面答拜。宰夫自東房薦脯醢。醢在西。司士設俎于豆北。羊骼一。腸一。胃一。切肺一。膚一。賓坐。左執爵。右取脯。換于醢。祭之。執爵興。取肺坐。祭之。祭酒。遂飲。卒爵。執以興。坐奠爵拜。執爵以興。主人答拜。受爵。賓坐。取祭以降。西面坐。委于西階西南。宰夫執薦以從。設于祭東。司士執俎以從。設于薦東。衆賓長升拜受爵。主人答拜。坐祭立飲。卒爵不拜。既爵。宰夫贊主人酌。若是以辯。辯受爵。其薦脯醢與胾。設于其位。其位繼上賓而南。皆東面。其胾體儀。

也

此主人獻長賓及衆賓也。主人拜將獻也。門東主位。賓門東北面。臣禮不敢居賓也。主三拜。旅拜也。賓答一拜。賓衆且不敢均禮也。主人洗爵先升酌。後長賓升。禮殺于尸也。獻賓西階上。賓在堂下也。脯爲籩。醢爲豆。醢在西。則脯在東。一豆一邊俎。設于豆北。醢之北也。羊骼以下五物爲一俎。前敘尸侑主人主婦俎。不及賓于此。詳之。賓祭脯。祭肺。祭酒。卒爵拜。皆在西階上。旣成禮。乃取所祭脯肺降西階下。西南坐。委于地。不敢以賓禮終。且避衆賓獻位也。賓執所祭降而

宰夫代爲執豆籩從降。設于西階西南。所委祭之東。司士代爲執俎從降。設于豆籩之東。衆賓次賓。其長先升受爵。餘各以序升受。宰夫助主人酌酒。主人親獻不親酌。如此以徧。其籩豆皆一脯一醢。胾卽俎也。設于西階下之位。繼長賓而南。皆東面。其胾體隨宜。儀宜也。度也。尊體盡。度餘骨可用者用之。胾與膚皆豕也。俎漸降。則無羊。

乃升長賓。主人酌酢于長賓西階上。北面。賓在左。主人坐奠爵拜。執爵以興。賓答拜。坐祭。遂飲。卒爵。執爵以興。坐奠爵拜。賓答拜。賓降。

此主人爲賓自酢也。賓卑受獻而不敢酢。主人達其意而升。長賓自酌以酢也。

宰夫洗解以升。主人受酌降。酬長賓于西階南。北面。賓在左。主人坐奠爵拜。賓答拜。坐祭遂飲。卒爵拜。賓答拜。主人洗賓辭。主人坐奠爵于篚對。卒洗升酌降復位。賓拜受爵。主人拜送爵。賓西面坐奠爵于薦左。

此主人酬長賓也。解在堂下。酒在堂上。賓位堂下。故宰夫洗解升堂授主人。主人受酌酒以降。酬長賓于其位。主人先自飲導之。洗解升酌復降至賓位。賓拜受主拜送。賓奠于薦左。未卽舉也。

主人洗升酌獻兄弟于阼階上兄弟之長升拜受爵主
人在其右答拜坐祭立飲不拜既爵皆若是以辯辯受
爵其位在洗東西面北上升受爵其薦胥設于其位其
先生之胥折胥一膚一其衆儀也

此主人獻兄弟兄弟至親同爲主故獻于東階上而
主人在東階東衆兄弟皆若是以徧兄弟位在阼階
下洗東西面北上以序立而南升受爵下而飲其豆
邊與俎卽設于東階下先生兄弟之長者其俎折胥
一膚一衆兄弟隨宜也

主人洗獻內賓于房中南面拜受爵主人南面于其右

答拜坐祭立飲不拜既爵。若是以辯亦有薦胥。

此主人獻內賓。謂姑姊妹及宗婦之屬。賓主皆南面。統于堂也。主人在右尊賓也。

主人降洗升獻私人于阼階上拜于下。升受主人答其長拜。乃降坐祭立飲不拜既爵。若是以辯宰夫贊主人酌主人于其羣私人不答拜。其位繼兄弟之南亦北上。亦有薦胥。主人就筵。

此主人獻其私人。凡家臣輩執事在廟者也。特牲有公有司。此唯私人卿大夫私人亦在公者。私人拜堂下而後升堂受爵。主人惟答其長拜。羣私人不答也。

其位繼兄弟之南亦東階下西面主人獻畢由階上就東序之筵

尸作三獻之爵司士羞湑魚縮執俎以升尸取膾祭祭之祭酒卒爵司士縮奠俎于羊俎南橫載于羊俎卒乃縮執俎以降尸奠爵拜三獻北面答拜受爵

此衆獻既徧尸卒三獻之爵也前上賓三獻尸尸以爵未徧奠而不舉今自賓至私人均受獻尸乃起三獻之爵將祭以飲司士乃羞湑魚卽前所牝尸俎五魚橫載者也大鬻曰膾卽前所加膾祭于其上者也司士以五魚併于羊俎執虛俎降三獻卽上賓

酌獻侑侑拜受三獻北面答拜司馬羞潛魚一句如尸
禮卒爵拜三獻答拜受爵

此賓獻侑也三獻卽賓司馬當作司士前司士牝魚
侑主人皆一魚卽此司馬所主惟羊俎

酌致主人主人拜受爵三獻東楹東北面答拜司士羞
一潛魚如尸禮卒爵拜三獻答拜受爵

此賓致爵于主人卽酌其獻侑之爵不言獻主人酒
自主人出也

尸降筵受三獻爵酌以酢之三獻西楹西北面拜受爵
尸在其右以授之尸升筵南面答拜坐祭遂飲卒爵拜

尸答拜執爵以降賓于篚

此尸酢賓也尸受賓致主人之虛爵酌以酢賓賓既飲自執虛爵降賓于堂下篚中

二人洗觶升實爵西楹西北面東上坐奠爵拜執爵以興尸侑答拜坐祭遂飲卒爵執爵以興坐奠爵拜尸侑答拜皆降洗升酌反位尸侑皆拜受爵舉觶者皆拜送侑奠觶于右

此二人舉觶于尸侑爲旅酬始也二人一酬尸一酬侑侑受爵奠于薦右俟尸行酬而後舉以酬長賓

尸遂執觶以興北面于阼階上酬主人主人在右句坐

奠爵拜。主人答拜。不祭。立飲卒爵。不拜。既爵酌。就于阼階上。酬主人。主人拜受爵。尸拜送。尸就筵。

此尸酬主人。卽執所受二人舉之解。先自飲。遂酌主人。酬畢。尸就戶西南面之筵。

主人以酬侑于西楹西。侑在左坐。奠爵拜。執爵興。侑答拜。不祭。立飲卒爵。不拜。既爵酌。復位。侑拜受。主人拜送。主人復筵。

此主人酬侑。以尸酬已之爵。主人筵在東序。尊在房戶閒。侑在西楹西。主人卽筵自飲。往尊酌酒之。西楹西。酬侑畢。復東序西面之筵。

乃升長賓句侑酬之如主人之禮

此侑酬長賓長賓在西階下侑升長賓舉所奠薦右之觶酬之如主人酬已之禮

至于衆賓遂及兄弟亦如之皆飲于上遂及私人拜受者升受下飲句卒爵升酌句以之其位句相酬辯句卒飲者實爵于篚

此衆賓及兄弟私人徧相酬也皆于西階之上惟私人受爵先拜堂下然後升受下堂飲既飲又升堂酌就所酬者位酬之徧末受酬一人實爵于篚

乃羞庶羞于賓兄弟內賓及私人

此加羞于堂下及房中不及尸侑主人者前三獻畢主人酬尸宰夫羞內羞庶羞于尸侑主人主婦而此則賓以下及私人有庶羞無內羞禮殺也

兄弟之後生者舉觶于其長洗升酌降北面立于阼階南長在左坐奠爵拜執爵以興長答拜坐祭遂飲卒爵執爵以興坐奠爵拜執爵以興長答拜洗升酌降長拜受于其位舉爵者東面答拜爵止

此兄弟之幼者舉觶于其長爲無算爵之始旅酬畢主人慇懃未已兄弟之幼者爲主人達其意洗升酌降爵行于堂下爵止者奠于薦右待賓爵行而后交

錯也

賓長獻于尸如初無消爵不止賓一人舉爵于尸如初亦遂之於下賓及兄弟交錯其酬皆遂及私人爵無算此無算爵也上賓舉爵獻于尸如三獻尸之初但三獻司士羞魚醕此無消三獻則尸奠爵薦左俟衆獻徧而後作此受爵卽行酬不止也次賓一人又舉爵于尸如二人洗解之初亦遂之于下如前及賓兄弟私人也其賓長獻尸之爵及于長兄弟長兄弟亦以其後生之爵及賓長次賓一人獻尸之爵及于衆兄弟衆兄弟以其爵徧及私人故曰交錯唯意所適故

爵無算

尸出。侑從主人送于廟門之外。拜尸。不顧。拜侑與長賓亦如之。衆賓從司士歸尸。侑之俎。主人退。有司徹。

此尸出禮畢也。有司乃徹堂上堂下之薦俎。

若不賓尸。則祝侑亦如之。尸食。乃盛俎。臠臂。肫。胾。脊。橫脊。短脅。代脅。皆牢。魚七。腊。辨無髀。卒盛。乃舉牢肩。尸受。振祭。齊之。佐食受。加于所。佐食取一俎于堂下。以入。奠于羊俎東。乃撫于魚腊俎。俎釋三个。其餘皆取之。實于一俎。以出。祝主人之魚腊。取于是。尸不飯。告飽。主人拜侑。不言。尸又三飯。佐食受牢舉如饋。

此以下申言不饋尸之禮。此一節不饋尸而尸食之事。凡饋食于室。饋尸于堂。少牢饋尸。故室中之事。比特牲爲簡。至饋尸而後禮備。若有故不得饋尸。則室事加詳矣。自迎尸入室以後。至祝侑尸食以前。禮與饋尸同。故曰亦如之。尸食以後。其禮稍異。盛俎謂佐食。取衆俎之實。盛于所俎。祭畢歸尸。特牲尸九飯畢。則盛俎。少牢饋尸。則俎重爓。故不盛。若不饋尸。盛俎如特牲。牖以下至代脅。皆盛于所俎者。羊豕皆七體。牢卽羊豕魚俎十五魚。而取其七。腊俎左右體全。而徧取其半如牢。辨徧通猶全也。但無髀。尸俎本無髀。

也。盛畢，佐食舉牢肩授尸，尸祭嘗之。體貴肩，故後舉。加于肝，居衆體之上，並前牢爲八體。而羊豕俎各餘三體，以待陽厭。此上皆盛于肝俎者也。佐食又取堂下一虛俎入室，撫分取也。盛肝俎之外，魚俎餘八，今撫其五，腊餘左半體，今撫取外，與魚各留三个于本俎，待改設其餘盡取之，以出。出室也。尸不飯以下，儀與饋同。受牢舉，謂受尸所舉肺脊，加于肝俎也。按奠于羊俎東，當作魚俎東。少牢魚俎在羊東。

主人洗酌醕尸。賓羞肝，皆如饋禮。卒爵，主人拜，祝受尸爵。尸答拜，祝酌授尸。尸以醕主人，亦如饋。其綏，禮祭其

嘏亦如饋其獻祝與二佐食其位其薦胾皆如饋

此不饋尸而主人獻尸尸酢主人與主人獻祝佐食
儀皆與饋同

主婦其洗獻于尸亦如饋主婦反取籩于房中執棗糗
坐設之棗在稷南糗在棗南婦贊者執栗脯主婦不興
受設之栗在糗東脯在棗東主婦興反位尸左執爵取
棗糗祝取栗脯以授尸尸兼祭于豆祭酒宰酒次賓
羞牢燔用俎鹽在右尸兼取燔換于鹽振祭齊之祝受
加于所卒爵主婦拜祝受尸爵尸答拜祝易爵洗酌授
尸尸以醋主婦主婦主人之北拜受爵尸答拜主婦反

位又拜。上佐食綏祭如賓。卒爵拜。尸答拜。

此不償尸而主婦獻尸。尸酢主婦。主婦洗爵于房中。出酌入室拜送。與償同。其薦籩以下與償異。償則室中黍稷設于未迎尸先。二黍二稷在五俎南至尸入。主婦亞獻無邊。不償則主婦于送爵後設棗糗栗脯四邊。尸祭籩。次賓又羞燔俎。尸祭膾。加于胙爲異也。尸卒爵。主婦受爵祝更爵。尸酢主婦。上佐食綏祭皆與償同。主婦反位。反尸內主人立之北。西向之位。主婦獻祝。其酌如償。拜坐受爵。主婦主人之北答拜。宰夫薦棗糗坐設棗于道西。糗在棗南。祝左執爵取棗糗。

祭于豆祭祭酒啐酒次賓羞膳如尸禮卒爵主婦受爵酌獻二佐食亦如賓主婦受爵以入于房

此不饋尸而主婦獻祝與佐食主婦洗酌祝拜坐受主婦答拜卒爵坐授等儀同其宰夫薦棗糗祝祭棗糗次賓羞膳祝祭膳爲異耳獻二佐食亦然

賓長洗爵獻于尸尸拜受賓戶西北面答拜爵止

此不饋尸而賓長三獻尸也饋尸則賓長三獻尸卒爵酢賓長賓長又獻祝而主人出尸遂起不饋尸則賓長獻尸受奠而不舉待主人主婦交致爵而后舉與特牲禮同與少牢饋尸異尸西室戶內西

主婦洗于房中。酌致于主人。主人拜受。主婦戶西北面拜送爵。司宮設席。主婦薦韭菹醢。坐設于席前。菹在北。方。婦贊者執棗糗以從。主婦不興受。設棗于菹北。糗在棗西。佐食設俎。臂脊脅肺皆牢。膚三。魚一。腊臂。主人左執爵。右取菹。揆于醢。祭于豆間。遂祭籩。奠爵。興取牢肺。坐絕祭。瘠之。興加于俎。坐祝手。祭酒。執爵以興。坐卒爵拜。主婦答拜。受爵。酌以醋。戶內北面拜。主人答拜。卒爵拜。主人答拜。主婦以爵入于房。

此不饋尸。而主婦卽室中致爵于主人。遂自酢也。饋尸。則主婦致爵于堂矣。司宮設席于室戶內。主人立。

之南其薦二簋二豆五俎主婦受爵自酢皆與儻尸
異

按自此以下之禮儻尸皆行于堂不儻尸皆行于室
所以異也

尸作止爵祭酒卒爵賓拜祝受爵尸答拜祝酌授尸賓
拜受爵尸拜送坐祭遂飲卒爵拜尸答拜

此不儻尸而尸卒賓長之獻爵因酢賓長也尸作止
爵謂主人主婦既卒爵尸始飲賓長所獻爵賓拜拜
受虛爵祝酌授尸代尸酢賓也不儻則此禮皆行于
室

獻祝及二佐食洗致爵于主人主人席上拜受爵賓北面答拜坐祭遂飲卒爵拜賓答拜受爵酌致爵于主婦主婦北面司宮設席東面主婦席北東面拜受爵賓西面答拜婦贊者薦韭菹醢醢在南方婦人贊者執棗糗授婦贊者婦贊者不興受設棗于菹南糗在棗東佐食設俎于豆東羊臠豕折羊脊脅祭肺一膚一魚一腊臠主婦升筵坐左執爵右取菹捩于醢祭之祭邊奠爵興取肺坐絕祭齊之興加于俎坐捩手祭酒執爵興筵北東面立卒爵拜賓答拜賓受爵易爵于醢洗爵酌于主人戶西北面拜主人答拜卒爵拜主人答拜賓以爵降

奠于篚

此不償尸而賓獻祝佐食致爵主人主婦也洗賓受
佐食虛爵洗也致主婦承主人虛爵則不洗獻祝佐
食致爵主人則于室致爵主婦則于北堂堂之北卽
房戶之外室戶之東也償尸于堂則主婦席在房中
南面今尸在室則主婦席在北堂東面主婦拜于席
北東面向室也婦贊者宗婦之助祭者婦人贊者主
婦之姪娣其薦二豆二簋五俎皆爲主婦設也易爵
于篚賓將自酢男不承女爵也洗而後酌達主人意
也

乃羞宰夫羞房中之羞司士羞庶羞于尸祝主人主婦
內羞在右庶羞在左主人降拜衆賓洗獻衆賓其薦胾
其位其酬醕皆如儗禮主人洗獻兄弟與內賓與私人
皆如儗禮其位其薦胾皆如儗禮卒乃羞于賓兄弟內
賓及私人辯賓長獻于尸尸醕句獻祝句致句醕句賓
以爵降賓于篚賓兄弟交錯其酬無算爵

此不儗尸而羞尸祝主人主婦及主人獻賓以下賓
長獻尸以下賓與兄弟旅酬無算爵皆與儗尸同房
中之羞內羞也主人降拜衆賓將獻而拜也獻祝亦
賓長獻也致謂賓長致爵于主人醕謂賓長受尸酢

爵

利洗爵獻于尸。尸醕獻祝。祝受祭酒。啐酒奠之。主人出立于阼階上。西面祝出。立于西階上。東面祝告于主人曰。利成。祝入。主人降。立于阼階東。西面。尸謖。祝前。尸從。遂出于廟門。祝反。復位于室中。祝命佐食徹尸俎。佐食乃出尸俎于廟門外。有司受歸之。徹阼薦俎。乃褻如儻。此不儻尸。而佐食獻尸。祭畢徹俎。以褻也。特牲禮無算爵畢。佐食卽獻尸。命褻徹俎。陽厭少牢儻尸。則佐食不獻尸。遂褻掃堂儻尸。終。佐食乃獻尸。告利成。尸出徹俎。今不儻尸。則亦無算爵。終。佐食獻尸。與特牲

同。但先徹俎。後命饗。與饋尸異耳。

卒饗。有司官徹饋。句饌于室中。西北隅。南面。如饋之設。右几。匪用席。納一尊于室中。司宮埽祭。主人出。立于阼階上。西面。祝執其俎以出。立于西階上。東面。司宮闔牖戶。祝告利成。乃執俎以出于廟門外。有司受歸之。衆賓出。主人拜送于廟門外。乃反。婦人乃徹徹室中之饌。

此不饋尸。而改設室中之饋。以陽厭也。饋尸。則禮備。而神厭足。可無改設。不饋尸。于是有改設之禮。官徹饋。謂有司各徹所主之饋。如司馬主羊。徹羊。司士主豕。徹豕之類。婦人乃徹室中之饌。卽有司改設者也。

儀禮節解卷十七終
必婦人徹者歸

儀禮節解卷十七終

萬曆丁巳孟夏京山郝氏刊刻